

# REFERAT Kommunalbestyrelsi d. 22-01-2019

**Møtedato** Tirsdag d. 22. januar 2019 kl. 19:30

**Møtested** Kommunalbestyrelsip ataatsimiittarfia

# Indholdsfortegnelse

|   |    |
|---|----|
| Saqqaa.....   | 3  |
| Oqaluuserisassat akuerineqarneri.....   | 4  |
| Nalunaarutit.....   | 5  |
| Ilisimatitsissutit.....   | 8  |
| Kommuneqarfik Sermersuup Tunumi takornarialerinermut aningaasaliissutai pillugit killiffik.....   | 9  |
| Aningaasaqarnermut Inuusutissarsiornermullu Ataatsimiititap angalanera pillugu nalunaarusiaq..... | 14 |
| Tusarniaanermut akissutit.....  | 17 |
| Aalajangiiffigisassat.....  | 21 |
| Tapiiffigitinnissamut malittarisassat nutarternissaannut siunnersuut.....                         | 22 |
| Qinersinermut Siulersuisut.....   | 29 |
| Qilalukkat pillugit politikkerimit siunnersuut.....   | 32 |
| Sermersooq Business Council-imit 2019-imit Inuusutissarsiorneq pillugu pilersaarut.....           | 35 |
| Kommuneqarfik Sermersuumi Nunarsuarmi anguniakkat tunaartaralugit iliuusissatut pilersaarut.....  | 39 |
| Kommunalbestyrelsimit sulinngiffeqarallarnissap sivitsornissaanut qinnuteqaat.....                | 44 |
| Kulusummi sikunut illersuutigisassamik pilersitsinissamik siunnersuut.....                        | 49 |
| Taasariaqartut allat.....   | 53 |
| Suliat matoqqasut.....  | 54 |
| Lukket.....   | 55 |
| Imaqarniliap akuerineqarnera.....   | 56 |

## **Punkt 0: Saqqa**

### **Ilaasortat**

Asii Chemnitz Narup (IA)

Charlotte Pike (IA)

Charlotte Ludvigsen (IA)

Uju Petersen (IA)

Harald Bianco (IA)

Inge Olsvig-Brandt (IA)

Rasmine Geisler (IA)

Knud Mathiassen (IA)

Henrik Rachlev (IA)

Randi Vestergaard Evaldsen (D)

Justus Hansen (D)

Mala Høy Kúko (S)

Peter Davidsen (S)

Thiiooq Knudsen (S)

Ane Egede Mathæussen (S)

Jens Kristian Berthelsen (S)

Rolf Pike (S)

Laura Táunajik (S)

Michael Rosing (Sam)

## **Punkt 1: Oqaluuserisassat akuerineqarneri**

### **Beslutning**

Oqaluuserisassat naqqiissutaalu akuerineqarput.

Peter Davidsenip (S) oqaluuserisassat siusinnerusukku tnassiunneqartarnissai kissaatigaa.

Michael Rosing (SA): Michael Rosing oqaluuserisassami 04F-imi suliamut attuumassuteqarpallaarnerarluni nalunaarpoq.

## Punkt 2: Nalunaarutit

2a. Siulittaasumit nalunaarutit

2b. Ataatsimiititanik ataavartunit nalunaarutit

### Beslutning

1. Januaarip ulluisa arfernat Kommuneqarfik Sermersuumit ulloq timersorfiusoq Tasiilami, Paamiuni, Ittoqqortoormiini Nuummilu nalliuttorsiorpalaartumik malunnartinneqarpoq. Ilaatigut Holditsialaat, Timersullammak, Sungiusaallammak il.il. toqqarneqarput.
2. Januaarip ulluisa 9-t Borgmesteri suleqatinut (politikerinut) suleqatigisartakkanullu ukiortaarsioqatigiisitsivoq. Kommunalbestyrelsimut ilaasortanut qaaqqusissutit mail aqqtugalugu nassiussorneqarput.
3. Januaarip ulluisa 11-t Borgmesteri Martha Abelsen, Peqqinnissamut Naalakkersuisoq ataatsimeeqatigaa.
4. Januaarip ulluisa 25-t Sermersooq Business Council-imi siulersuisui ataatsimiipput, tassani aamma Borgmesteri qaaqqusaavoq.
5. Januaarip ulluisa 30-t 2019, Qaortumi politikikkut ataqatigiissaarisut suleqatigiit (PKG)-imut ataatsimeeqatiserineqarpoq. PKG-p ataatsimiinnginnerani januaarip ulluisa 29, 2019 Naalakkersuisut sammisaqarluni isumasioqatigiinneq pillugu aqqissuussipput. Taamaattumik Borgmesteri ulluni januaarip 29-t januaarip ulluisa 31-t tikillugu Qaortumiisaaq.
6. Januaarip ulluisa 30-t, 2019 Hans Hedtofts umiarneranit ukiut 60-t qaanngiunnerat malunnartinneqassaaq. Kommuneqarfik Sermersuup kinguaajusut ilaasa ullormut eqqaaniaaneranut atatillugu suliarujussua tapersersorpaa. Sømandshjemmip eqqaani kransimik ilisisoqassaaq, Hans Egedep Oqaluffiani eqqaaniaaneqassalluni kiisalu Katersortarfimmi kaffisortitsisoqassaaq. Taamattutaaq Tasiilami ulloq malunnartinniarlugu eqqaaniaaneqassaaq naalagiarnertalimmik kaffillertoqassallunilu nammineq kajumissuseq naapertorlugu.
7. Borgmesteri ulluni 2-6 februari Tasiilamiisaaq. Februaarip ulluisa 4-t B2 nalliuttorsiuutigineqassaaq – utaqqiisaagallartumik inuusuttut kulturikkut illorsuaat pillugu aamma februaari ulluisa 5-t Borgmesterip pilersaarutigaa innuttaasunut ataatsimiititsinissaaq.
8. Februaarip ulluisa 14-t Kommuneqarfik Sermersuumi 2019-imut kulturikkut ambassadøriisaaq toqqarneqassaaq.
9. Sap.ak. 8-imi Aningaasaqarnermut Suliffissaqartitsiniarnermullu Ataatsimiititaq Svalbardimullu Danmarkimullu ataatsimiititatut angalassapput. Taakkunani ilaatigut takornariaqarneq aningaasaqarnermilu kaaviiatitat pillugit paasisassarsiussapput.
10. Kommunalbestyrelsip ataatsimiinnissaa juunip ulluisa 18-t pisussaagaluaq sapaatip akunneranik juunip ulluisa 11-nut siuartinneqarnera pillugu ulloq sammisaqarfiusoq juunip ulluisa 17-t pissussaagaluaq pingsunngoneq juunip ulluisa 12-nut siuartinneqarpoq juunip ulluisa quligat Pinsip aappaa nalliuttorsiuutigineqartussaana pillugu.
11. Pilersaarutit malillugit Foodlab februaarip qaammataata naanerani ammassaaq. Kalaallit Nunaanni kalaallit nerisassaataannik misileraasussat amerlanerulernissaat piffissallu ingerlanerani nutaaliornissaaq aallarnisaanissarlu Foodlabeqarnissamut takorluugaavoq. Foodlab nioqqtissiornermi Nuukullak 35-mi inissisimassaaq. Foodlab-ip igaffinnik atortorissaaruterpassuaqarneratigut ingerlatsinerimut aallarnisaasut aningaasartuutaat annikillisarneqassapput, taamaalilluni najugaqavissunut takornarialerisunullu nerisassanik nioqqtissiorneqassaaq imminut akilersinnaanerulissaaq. Init iluarsaaneqareerput atortussallu inniminnerneqareerlutik. Pilersaarutit malillugit Foodlab februaarip qaammataata naanerani ammassaaq.
12. Angajoqqaat perorsaasullu ulloq 19. novembari 2018-imi kommunalbestyrelsimut akerliussutsimik takutitsinerisa kingunerisaanik, Nuummi meeqqerivinni meeqqat angajoqqaavi pingasunngornermi 23. januaari 2018-imi meeqqanut atuarfeqarnermullu ingerlatsiviup ataatsimeeqatigissavai. Meeqqanut atuarfeqarnermullu ingerlatsivik aaqqissuisuuvuq, ataatsimiinnerlu akunnernik pingasunik sivissuseqarnissaa naatsorsuutigalugu. Nuummi meeqqerivinni killiffiup naammagineqannginnera akerliussutsimik takutitsinerimi pineqarpoq.

2b

### Uju Petersen (IA), MIA siulittaasoq:

Meeqqanut Ilaqutariinnullu ingerlatsivimmi, meeqqanut sullissineq suli pitsanngoriartorpoq – naak suli sulisussaaleqisarneq unamminartortaqartitsigaluartoq.

Tasiilami suli aaliangersimasumik socialrådgivereqanngilaq qujanartumillu rådgivningsassistentinik sulisoqarpoq.

Pinaveersaartitsinerimi katsorsaanerimullu immikkoortortaqarfik ukioq manna inerisarneqarlunilu ineriartorteqqinneqarnissaa pilersaarutaavoq. Ukioq mannamullu kommunalbestyrelsip ineriartortitseqinnissamut aningaasat immikkoortinnikuusaaq pilersaarusiortulugit aallarteruttorpaat.

Taamaalillutik aamma inuusuttunut sullissineq allannqorsarneqarpoq, inuusuttut najugaqarfeqartut / najugaqarfeqalertussallu sullinneqarnissaannut aaqqissuussineq allannqortinneqarluni.

Suleriaaseq SBSYS atorlugu sulisut sungiussiartorput aamma katsorsaannermi sulisuniik.

Namminersorlutik oqartussat aaqqissugaannik februarimi sulisut isumasioqatigiitsinneqassapput, siunissami sumiginnaaneq annikillisarinnissaa siunertarlugu.

### **Henrik Rachlev (IA), MAA siulittaasoq:**

MAA siullermik tamassi ukiortaami Pilluaritsi, ukioq 2019 -mi suleqatigeeqqinnissatsinnut neriuutigaa, 2018-mitut suleqatigiinnertut ingerlaqqinnissarput kissaatigaara.

18 december 2018. Ataatsimiitsitaliami ataatsimiittarnermi immikkut ittumik ataatsimiinnissaq pisariaqarsimavoq. suliamut pingaaruteqartumut naammassineqarnissaanut anguniarlugu.

19. Januar. GHB-hallen pillugu seminareqarneq ingerlanneqarpoq suliaq tassunga tunngasumut peqatigiiffiit peqataatinneqarput anguniarneqarlunilu GHB-hallen allilernerneqarnissaanut. Nuannaarutigaa peqatigiiffiit timersortarfimmik atuineq ajortunik peqataasoqarmat, KS-mi ingerlatsivimmiit saqqummiisoqarpoq GHB halle allilernerneqarnissaanut suliniuteqarmata.

Oqalugiaarninni pingaartillugu innuttaasut peqqinnerulerulersimasut, fitness. Innuttaasut aallunneqarnerulersimammat. KS-mi hovedstadstrategi nuuk issittumik timersornermi qitiutinneqarneqassasoq, tamannalu tapersorsorneqarluni ineriartortinneqassaaq.

### **Charlotte Ludvigsen (IA), SIA siulittaasoq:**

Inissiat katitertakkat (modulbolig)/Containerini inissiat

Kommune innuttaasunut, inissaaleqisunut, kisiannili sulisunik, inissiaateqarpoq katitertakkanik 26-nik. Inissiat 15 novembari 2017-imili ammarneqarput.. Najugaqartut amerlasuut angerlarsimaffimmeeqqilernertik assut ajornartorsutisarpaat tamannalu perorsaannikkut immikkut ittumik iliuseqarfigisussaavoq. Suliassa tamanna siunissami qanoq aaqqiivigineqassanersoq Ingerlatsivimmiit massakkut misissorneqarpoq.

Ulloq 15 aprili inissiat taakkua najukkamat allamat nuunneqartussaapput. Inissiat piareeqqinneqarnissaat sivilaassaaq. Aaqqiissuteqartoqarnissaata tungaanut iliussissamik sulissuteqartoqarpoq. Peqqinneq pillugu isumaqatigiissut

Peqqissutsimut Naalakkersuisup Martha Abelsen-ip aamma Borgmesterip Asii Chemnitz Narup-ip akornanni ataatsimeeqatigiittoqarpoq. Tassani peqqissutsimut isumaqatigiissutit killiffia ataatsimiissutigineqarpoq. Isumaqatigiissutigineqarpoq ulloq unnuarluni angerlarsimaffimmi paaqutarinninneq aamma init isumassuiffiusut qanoq ilusilerlugit suliarineqarnissaasa ingerlateqqinneqarnissaat. Taakkua saniatigut Paamiuni utoqqaat illuat aammalu Paamiuni napparsimavik pillugit suleqatigiissuteqarnissaq aamma isumaqatigiissutigineqarpoq.

Tatiginassutsimut tapi

Ulloq 1 oktobari 2017 Kommuneqarfik Sermersooq aamma SIK sulisunut SIK malillugu akissarsiallinnut, toqqaannartumillu utoqqarnut tunngasut iluini aammalu innarluutilinnut immikkoortortami Pakkutami innuttaasunut attaveqartut tatiginassutsimut tapimik isumaqatigiissuteqarput. Tapeq sulisunut napparsimangitsunut tunniunneqartartussaavoq.

Tapi pillugu neriuutigineqarsimavoq taanna napparsimasarnermik appartitseqataassasoq.

Tapi novembarimi nalilersorneqaqqippoq.

Utoqqarnut tunngasut ataatsimut isigalugit tapi annerusumik napparsimasarnerup annikillisinneqarneranik kinguneqarsimasutut misigineqanngilaq. Tamanna utoqqarnut tunngasuni napparsimasarnerup naatsorsorneqarneratigut tunngavissaqartinneqarpoq.

Angerlarsimaffissaaleqineq pillugu unnukkut immikkut sammisaqarneq

Isumaginninnermut Suliffeqarnermullu Ataatsimiititaq Kofoed Skole peqatigalugu angerlarsimaffissaaleqineq pillugu unnummi immikkut sammisaqarnissamat qaaqussipput. Tassunga tunngasunik immikkut ilisimasallit arlallit saqqummiinneqassapput peqatigitillugulu kommunip angerlarsimaffissaaleqinerup iliuseqarfigineqarnissaanut tunngavissamik aqqissuussineq taanna tunngavileeqataassaaq.

AaqissuussineqKofloed Skole-mi ulloq 30 januaari nal 18.30 ingerlanneqassaaq

Inuusuttunut Piorsaavimmi eqqiaanermik ilinniartitsineq 01 februaari 2019-imi aallartinneqassasoq pilersaarutaavoq.. Ulloq taanna 01 marsi 2019-imut kinguartinneqartariaqarsimavoq, piffissaq eqqorlugu piareersimanissaq angumerineqarsimanngimmat. Ilinniartitsinermut atortussat tamarmik pisiarinqalereerput akilerneqarlutillu Naalackersuisoqarfimmit aningaasat pineqartut atorlugit ilinniartitsinerullu aallartinneqarnissaanut faglærerimik atorfinitsinissaq kisiat amigaatigiinnalerparput. Faglærerimik atorfinitsitsererutta inuusuttut innersuunneqartut tullerriaarneqalissapput kiisalu Nuummi utoqqarnut tunngasuni utoqqaat eqqiaassunneqartarnerat pillugu suliaassat erseqqinnerusumik eqqartorneqalissapput.

**Justus Hansen (D), SAA siulittaasoq:**

Iserit, NCD aamma Kommuneqarfik Sermersuup suleqatigiinnissamik isumaqatigiissut suliarivaat nutarterlugulu. Tassa imaappoq, ineqarnermut akiliummik aalajangersaaneq kiisalu aserfallatsaaliuinermut tunngasut pillugit suleriaatsit massakut assigiissarneqarlutik inissinneqartut. Taamaalillutik attartortut inissiani Iserimmit imaluunniit NCD-mit pigineqartuni najugallit taakkunani najugaqarnermi assigiinngissummik malugisaarutissapput.

Nuummi qaartiterutissaasivittaassamut sulinermut atatillugu aqqusinniaq naammassingajalerpoq. Peqatigitillugulu sissaq sinerlugu aqqusineeraliornermi immikkoortoq siulleq pilersaarutit malillugit ingerlanneqarpoq.

Paamiuni utoqqaat illuat nutaaq naammassingajalerpoq. Pequsersuutit il il massakut pisiarineqareerput inissiternerqarlutillu.

### **Punkt 3: Ilisimatitsissutit**

## **Punkt 03A: Kommuneqarfik Sermersuup Tunumi takornarialerinermut aningaasaliissutai pillugit killiffik**

### **Beslutning**

Ilisimatitsissut tusaatissatut tiguneqarpoq.

# **Kommuneqarfik Sermersuup Tunumi takornialerinermut aningaasaliissutai pillugit killiffik**

2018-imut killiffik

Ilisimatitsissut

J nr: 73.15-A00-6-18

Suliffeqarfimmud Kiffartuussivik - Kommunaldirektøri Lars Møller-Sørensen / LMS

## **Suliassamik eqikkaaneq**

Kommuneqarfik Sermersuup takornialerinermut aningaasaliissuteqarnikuuvoq Tunumi takornialerinerup ineriartortinneqarnissaanut suliniutinik ikorfartuiffiusussamik. Aningaasaliissutigineqartut 2018-imi 689.000 koruuninik amerlassuseqarput ukiorlu manna 673.691 koruuninik tapiissuteqartoqarpoq. Tapiissutigineqartut makkununnga atugassiissutigineqarput:

- Ataatsimeersuarnermut, saqqummersitsinermi peqataanermut tuniniaanermullu tunngasunut allanut
- Aasaanerani ukiukkullu takornialerinermut tunngasunik ineriartortitsinerneq
- Illuutinik pitsanngorsaanerit

Takornialerisunit, aningaasaliissutinit sullinniarneqartunit immersorneqarnerit tunngavigalugit, aningaasaliissutaasartut pitsanngorsaqqinneqarput, maannakkullu atuisut ajornannginnerusumik najoqqutarisinnaalerpaat taamatullu ajornannginnerusumik qinnuteqarfigisinnaalerlugu. Ilaatigut piffissaliussat apeqquteqaatigineqarsimapput, qinnuteqarfissat aammalu nalunaaruteqarnermi immersuiffissat. Suliniutigineqartut nutaat misilittagaqarfigneri atuisuinit pitsaasunik utertitsiffigineqartarput annertunerusumillu oqaloqatigiittoqartalarluni.

Aningaasaqarnermut Inuussutissarsiornermullu Ataatsimiititap 14. januaari 2019-imi ataatsimiinnermini inassuteqaat akuersissutigaa suliarlu ilisimatitsissutitut Kommunalbestyrelsimut ingerlateqqillugu.

## **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Ilisimatitsissut tusaatissatut tiguneqassasoq.

## **Suliassamik saqqummiussineq**

Kommuneqarfik Sermersuup Tunumi takornialerinermut aningaasaliissutai siorna decembarimi Tasiilami innuttaasunik ataatsimiititsinermi takornialerinermik suliaqartut ilaannit, aningaasaliissuteqarnermi ilaatigut sammineqartunit immersorneqarlunilu utertitsiffigineqarpoq. Tamakkua tusaatissatut tiguneqarput aningaasaliissutillu maannakkut pitsanngorsaaffigineqarput. Paasissutissat nittartakkamiittut atuaruminarsarneqarput. Qinnuteqarnermi piffissaliussat, qinnuteqarfissat nalunaaruteqarnermilu immersugassat pillugit apeqquteqartoqarpoq, taamaattumillu taakkua suliarineqarsimapput aammalu immersugassat piffissaliussallu pillugit misilittakkat siullit pitsaasutut oqaatigineqarput. Takornialerinermik suliaqartunit arlalinnit qinnuteqaateqartoqarsimavoq, suliniutillu maannamut takusartakkanit amerlanerupput. Ataatsimut oqaatigalugu nalunaarutigineqarpoq, aningaasaliissutigineqartut qinnuteqarfigineqarnissaat ajornannginnerulersimasoq.

Ukiumut aningaasaliissutaasut 689.000,00 koruuniusarput ukiorlu manna katillugit 673.691 koruuninik tapiissuteqartoqarpoq. Tapiissutigineqartut makkununnga atugassanngortinneqarput:

| <b>Suliniutinut aningaasaliissutinit tapiiffigineqartunut takussutissaq</b>   |                                   |                            |                      |
|---|-----------------------------------|----------------------------|----------------------|
| <b>Suliniut</b>   | <b>Suliniut sumut iluaqutaava</b> | <b>Qinnuteqaateqartoq</b>  | <b>Aningaasartai</b> |
| Angallammik ingerlatsisutut ilinniarneg   | Tasiilaq                          | Arctic Dream               | 30.000               |
| Angallammik ingerlatsisutut ilinniarneg   | Tasiilaq                          | Tasiilaq Tours             | 30.000               |
| VestNorden Travel Mart 2018-imut peqataaneq   | Tasiilaq                          | Destination East Greenland | 42.000               |
| VestNorden Travel Mart 2018-imut peqataaneq   | Ittoqqortoormiit                  | NANU Travel                | 20.000               |
| Visit Greenlandip nuna tamakkerlugu ataatsimeersuartitsinerani peqataaneq "Towards More Tourism"  | Tasiilaq                          | Destination East Greenland | 15.995               |
| Visit Greenlandip nuna tamakkerlugu ataatsimeersuartitsinerani peqataaneq "Towards More Tourism"  | Ittoqqortoormiit                  | NANU Travel                | 25.080               |
| MidAtlantic Trade Showimi peqataaneq  | Tasiilaq                          | Destination East Greenland | 42.500               |
| MidAtlantic Trade Showimi peqataaneq  | Ittoqqortoormiit                  | NANU Travel                | 23.347               |
| Tuniniaanermi atorlut nutarterniarlugit illoqarfimmit assilisat isumasioqatigiissitsinerillu Ulannaq Ingemann aamma Thomas Heaton peqatigalugit – paasisutissat Visit Greenlandip paasisutissaasivia aqutigalugu tamanut saqqummiunneqassapput.   | Tasiilaq eqqaalu                  | Destination East Greenland | 55.719               |
| Illoqarfimmi takornarialerineq pillugu isumasioqatigiissitsineq nunaqarfiit peqataatillugit. Illoqarfimmi suleqatigiinnissaq qitiutillugu.  | Tasiilaq eqqaalu                  | Destination East Greenland | 35.000               |
| Umiarsuarnut takornariartaatinut ilaasunut angallassisutunut puttasut talittarfiit  | Ittoqqortoormiit                  | NANU Travel                | 95.000               |
| Illoqarfimmi takornarialerineq pillugu isumasioqatigiissitsineq nunaqarfiit peqataatillugit – avataaneersumik saqqummiussisulerluni, ilaatigut aallarnissaaneq akileraartarnermullu malittarisassat pillugit oqalugiartitsisussamik.  | Tasiilaq eqqaalu                  | Destination East Greenland | 99.050               |
| Ikkattimi timmisartunut mittarfikup oqaluttuassartaa pillugu allagartaliineq. Timmisartunut mittarfikoq taanna Tunumi takornarialerisunit nittarsaatissallugu nuannarineqartuuvoq. Allagartaliinikkut timmisartunut mittarfikup oqaluttuassartaa oqaluttuariuminarsarniarneqarpoq - taannalu Arctic Dream suleqatigalugu suliarineqassaaq | Tasiilaq eqqaalu                  | Ammassalik Museum          | 28.000               |

|   |          |                   |                |
|---|----------|-------------------|----------------|
| Tasiilami Assitoqqanik katersugaasiviup iluata nutarternissaa   | Tasiilaq | Ammassalik Museum | 80.000         |
| Qimussertut illuaraannik ineriartortitsinissamut aallaqqaasiutissatut tapiissuteqarneq. Illuaraq pineqartoq sikumi aalisarnermut atatillugu saunatullu atorneqarsinnaavoq. Suliniut taanna nutaajuvoq, ukiukkut takornialerinermit neqeroorutit amerlineqarnissaannut iluaqutaasinnaasoq. Isumassarsiaq taanna takornarialeq pillugu isumasioqatigiinnermi takornialerisup tamanut nittarsaappaa. | Tasiilaq | Tasiilaq Tours    | 25.000         |
| Naasuliartarfimmi kuup ikaartarfilernissaa tupeqarfiup tungaanut. Ikaartarfik tupeqarfiup tikikkuminarnerulernissaanut iluaqutaassaaq. Tupeqarfiusartoq aasaanerani inissaalatsitsisarnermut iluaqutaasarpoq, Tasiilami unnuisarfiit ulikkaartooraangata. – tamanna Tasiilaq Tours suleqatigalugu suliarineqassaaq  | Tasiilaq | Arctic Dream      | 27.000         |
| <b>Katillugit</b>   |          |                   | <b>673.691</b> |

*Aaqqiissutissatut siunnersuut – suliatigut naliliineq*

Aningaasaliissutaasartut ilisimaneqarnerulernissaat atorluarneqarnerulernissaallu annertusarneqassasoq nalilernerqarpoq. Tamanna takuneqarsinnaavoq qinnuteqartartut amerlanerulernerisigut, aammalu suliniutit assigiinngitsorpasuuernerisigut. Tamatuma saniatigut nalilernerqarpoq, aningaasaliissutigineqartut Tunumi takornialerinerup ineriartortinneqarnissaanut ikorfartuutaassasut, namminersorlutik takornialerinermit suliaqarusuttut aallarnisaatissaannik taperneqartarnerisigut, sulisunik pikkorissaanernut imaluunniit suliffinnik pitsanngorsaaneermit. Tamakkua tamarmik Tunup takornariaqarfittut soqutigineqarnerulernissaanut ineriartortitsinissamut iluaqutaassapput.

*Aningaasaqarnikkut sulisoqarnikkullu naliliinerit*

2018-imi aningaasaliissutaasut 689.000 koruuniupput ukiorlu manna katillugit 673.691 koruuninik tapiissuteqartoqarpoq.

*Inatsisitigut tunngavissaq allakkallu tunngaviusumik uppersaatitalit*

Unammilleqatigiinneq pillugu Inatsisartut inatsisaat nr. 1, 15. maaji 2014-imeersoq (unammilleqatigiinnermut inatsit)

Kommunit inuussutissarsiuutini il.il. aningaasaliinermikkut inuussutissarsiuutini ineriartortitseqataanissaminnut periarfissaat pillugit Inatsisartut Inatsisaat nr. 23, 18. december 2003-meersoq.

Kommuneqarfik Sermersuumi kommunalbestyrelsimi 2017-imit - 2021-mut Inuit Ataqtiguit aamma Demokraatit suleqatigiinnissamik isumaqtigiiissutaat

*Ingerlariaqqinnissaq*

Ataatsimiititap ilisimatitsissut tusaatissatut tigussappagu, taava kommunalbestyrelsimut ilisimatitsissutitut ingerlateqqinneqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

**Innuttaasunik peqataatitsineq/attaveqaqatigiinneq**

Decembari 2017-imi Tasiilami aningaasaliissutaasartut pillugit innuttaasunik ataatsimiititsisoqarpoq, tamatumalu kingornagut immersuinerit utertitsissutaasullu tusaatissatut tiguneqarput. Tamatuma kingornagut aningaasaliissutaasartut pitsanngorsaaffigineqarput. Tamatuma kingornagut utertitsissutaasartut pitsaasuinnangajaapput.

Piffissaliunneqartut tamaasa sioqqullugit aningaasaliissutit pillugit nittarsaassisoqartassaaq.

Qinnuteqartartut ataavartumik oqaloqatigineqartarput.

**Ingerlatsivinnit allanit oqaaseqaatit**

Ingerlatsivinnit allanit oqaaseqaatinik pissarsiniartoqarsimanngilaq.

**Siusinnerusukkut aalajangerneq**

*Aningaasaqarnermut Inuussutissarsiornermullu Ataatsimiititap 13. decembari 2018-imi aalajangernera:*

Inassuteqaat akuersissutigineqarpoq.

**Ilanngussat**

Soqanngilaq

## **Punkt 03B: Aningaasaqarnermut Inuussutissarsiornermullu Ataatsimiititap angalanera pillugu nalunaarussiaq**

### **Beslutning**

Ilisimatitsissut tusaatissatut tiguneqarpoq.

### **Bilag**

Rejserapport-15-19.aug kal (2).docx

## **Aningaasaqarnermut Inuussutissarsiornermullu Ataatsimiititap angalanera pillugu nalunaarussiaq**

Tasiilaq 17 – 20 aggusti.

Ilisimatitsissut

J.nr.: 01.02

Suliffeqarfimmut Kiffartuussivik - Kommunaldirektøri Lars Møller-Sørensen / LMS

### **Suliassamik eqikkaaneq**

Ataatsimiititaq 2018-imi aggusti qiteqquttoq Tasiilamut paasisassarsiorluni angalavoq. Ataatsimiititap susassaqarfiini tunngaviusumik paasisimasaqalernissaq angalanermi siunertaavoq. Angalaneq pillugu nalunaarussiaq angalanermi pilersaarummik aammalu angalanerup nalaani takusarneqartut ataasiakkaat eqikkaaffigineqarnerinik imaqarpoq.

Aningaasaqarnermut Inuussutissarsiornermullu Ataatsimiititap 13. decembari 2018-imi ataatsimiinnermini inassuteqaat akuersissutigaa suliarlu ilisimatitsissutitut Kommunalbestyrelsimut ingerlateqqillugu.

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Ilisimatitsissut tusaatissatut tiguneqassasoq.

### **Suliassamik saqqummiussineq**

Ataatsimiititaq 2018-imi oktobari qiteqquttoq Tasiilamut paasisassarsiorluni angalavoq. Ataatsimiititap susassaqarfiini tunngaviusumik paasisimasaqalernissaq angalanermi siunertaavoq. Angalaneq pillugu nalunaarussiaq angalanermi pilersaarummik aammalu angalanerup nalaani takusarneqartut ataasiakkaat eqikkaaffigineqarnerinik imaqarpoq.

Aningaasaqarnermut Inuussutissarsiornermullu Ataatsimiititamut peqataapput, Asii Chemnitz Narup (siulittaasoq), Peter Davidsen (ilaasortaq) aamma Harald Bianco (ilaasortaq). Qinikkanut Allatseqarfimmiit peqataapput, Simigaq Broberg (Allatseqarfimmi pisortaq) aamma Jeanett Anne Christoffersen (ataatsimiititami allatsi). Taakku saniatigut Irene Jeppson Attaveqaqatigiinnermut Immikkoortortameersoq aamma najuuppoq.

Suliffeqarfiit tulliuttut pulaarneqarput:

Stunk – sanaluttarfik

Pingajeqqad, meeqqerivik nutaaq

Tasiilami Alivarpi oqaloqatigiinnerusumik ataatsimiinneq

Kulusummi atuarfik

Kulusummi Nipilersornermik ilinniarfik

Namineq kajumissutsimik tunngaveqartumik Kulusummi katersugaasiveqarnek, Kulusummi

Katersugaasivik

Aammattaaq Najukkami Ataatsimiititaliaq ataatsimeeqatigineqarpoq, ataatsimiititap Tasiilamiinnermini aamma Takornariaqarnermi Inuussutissarsiornermilu isumasioqatigiinneq peqataaffigaa.

*Aaqqiissutissatut siunnersuut – suliatigut naliliineq*

Soqanngilaq.

*Aningaasaqarnikkut sulisoqarnikkullu naliliinerit*  
Soqanngilaq

*Inatsisitigut tunngavissaq allakkallu tunngaviusumik uppersaatitallit*  
Ataatsimiititap sulieriaasia

*Ingerlariaqqinnissaq*  
Aningaasaqarnermut iNuussutissarsiornermullu Ataatsimiititap angalanerminnit paasisatik  
ataatsimiititami suleriaqqinnerminni atorpaat.

**Aningaasaqarnermut Allatseqarfimmit oqaaseqaatit**  
Aningaasaqarnermut Allatseqarfik oqaaseqartinneqanngilaq.

**Siusinnerusukkut aalajangerneq**  
*Aningaasaqarnermut Inuussutissarsiornermullu Ataatsimiititap 13. decembari 2018-imi*  
*aalajangernera:*  
Inassuteqaat akuersissutigineqarpoq.

**Ilanngussat**

1. Aningaasaqarnermut Inuussutissarsiornermullu Ataatsimiititap Tasiilamut  
paasisassarsiorluni angalanera pillugu nalunaarussiaq. DK

## **Punkt 03C: Tusarniaanermit akissutit**

### **Beslutning**

Ilisimatitsissut tusaatissatut tiguneqarpoq.

### **Bilag**

Bilag 1 - HÅringssvar KAL.docx

Bilag 2. Forslag til ændring af Inatsisartutlov om alkohol KAL.pdf

Bilag 3. Bemærkninger til forslaget KAL.pdf

Bilag 4 KAL.docx

## **Imigassat aalakoornatullit pillugit inatsimmut tusarniaanermutt akissut**

Inatsisartut inatsisaat nr xx xx xxx 2019-imeersup, imigassat aalakoornatullit pillugit Inatsisartut inatsisaata allangortinnera pillugu

Aalajangiiffigisassaq

J nr: 70.06.00

Suliffeqarfimmut Kiffartuussivik – Kommunaldirektøri Lars Møller-Sørensen / LMS

### **Suliap eqikkarnera**

Kommuneqarfik Sermersooq allakkatigut Inatsisartut inatsisaata nr xx xx xxx 2019-imeersup, imigassat aalakoornatullit pillugit Inatsisartut inatsisaata allangortinnera pillugu tusarniaassummik suliaqarpoq.

Tusarniaanermut akissuteqarnissaq ulloq 29-01-2019-imut killilerneqarpoq.

Inatsisartut inatsisaat kiisalu tusarniaanermut akissuteqaat ilanngussatut ilanngunneqarpoq.

Aningaasaqarnermut Inuusutissarsionermullu Ataatsimiititap 14. januaari 2019-imi ataatsimiinnermini inassuteqaat akuersissutigaa suliarlu ilisimatitsissutitut Kommunalbestyrelsimut ingerlateqqillugu. Ataatsimiititap tusarniummut akissutaa ilanngussanut ilanngunneqarpoq.

### **Inassuteqaat**

Aningaasaqarnermut Inuusutissarsionermullu Ataatsimiititap Kommunalbestyrelsimut inassuteqaatigaa:

- Ilisimatitsissut tusaatissatut tiguneqassasoq.

### **Suliap saqqummiunneqarnera**

Kommuneqarfik Sermersooq allakkatigut Inatsisartut inatsisaata imigassat aalakoornatullit pillugit Inatsisartut inatsisaata allangortinnera pillugu tusarniaassummik suliaqarpoq.

Tusarniaanermi akissuteqaat ilanngussatut ilanngullugu nassiunneqarpoq. Matumani suliamik saqqummiussineq siunnersuut nassiunneqartoq tunngavigalugu suliarineqarpoq.

Inatsisissatut siunnersuut Inatsisartut imigassat aalakoornatullit pillugit inatsisaannik makkuninnga allanguutissanik imaqqarpoq:

§ 20, imm 4 imatut ilillugu qasukkarneqassasoq, inuusuttut 15-it aamma 18-it akornanni ukiullit sassaallertarfinni nal 23.00-ip tungaanut isersimasinnaasut.. Massakkut inatsisaasumi inuusuttut 15-it aamma 18-it akornanni ukiullit sassaallertarfinni nal 20.00-ip tungaanut isersimasinnaapput.

§ 25, imm 1 imatut ilillugu qasukkarneqassasoq, pisiniarfiit imigassamik aalakoornartortalimmik ataasinngornermiit arfininngornermut nal 10.00-20.00 tuniniaasinnaalissasut.. Ullumikkut inatsisaasumi piffissat tuniniaaviusut imatut aalajangersagaapput: ataasinngornermmiit tallimannngornermut nal 09.00-18.00 arfininngornermilu nal 10.00-14.00.

Ussassaareqqusaannginneq (§ 27, imm 4) atorunnaarsinneqassasoq. Siunissami suliffeqarfiit imigassamik aalakoornartortalimmik namminneq internettikkut nittartakkaminni matoqqasumi ussassaarisinnaassasut, aamma niuertarfiup initaani taamatullu inini sassaalliisarfiusuni, imigassap aalakoornartua qanorluunniit sakkortussuseqaralarpat. Imatut tunitsivissarsiortoqassaaq qupperneq matoqqasoq taamaallaat imigassanik aalakoornartulinnik imaqqartillugu. Imigassat aalakoornatullit ussassaarutigineqarnerat imigassap saniatigut

sunniutigisartagai taamatullu pinngitsuuisinnaajunnaarneq sumi pisinnaanersoq pillugit paasissutissanik ilaqartinneqartassaaq.

§ 28 imatut ilillugu qasukkarneqassasoq, imigassat aalakoornartortallit nioqqutigineqartunit allanit assiaquserneqarsimanissaannik peqqusineq atorunnaarsinneqassasoq. Naalakkersuisut pisiniarfinni imigassat aalakoornartullit sumi inissisimatinneqarnissaannik sulii aalajangersaasinnaassasut.

*Aaqqiissutissatut siunnersuut – suliatigut naliliineq*

Tusarniaanermi akissutigineqartoq ilanngunneqartoq takuuk.

*Aningaasaqarnikkut sulisoqarnikkullu naliliineq*

Suliaq aningaasaqarnikkut imaluunniit ingerlatsinikkut kommuunimut sunniuteqarnissaa nalilerneqanngilaq.

*Inatsisitigut tunngavigisat allagaatillu tunngaviliiviusut*

Inatsisartut inatsisaat nr xx xx xxx 2019-imeersup, imigassat aalakoornartullit pillugit Inatsisartut inatsisaata, allanngortinnera pillugu

Aalakoornartut pillugit Inatsisartut inatsisaat nr 35, 23 novembari 2017-imeersoq.

*Ingerlariaqqinnissaq*

Tusarniaanermi akissutigineqartoq Namminersorlutik Oqartussanut ingerlateqqinneqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allattoqarfimmit oqaaseqartitsisoqarsimanngilaq.

**Innuttaasut peqataatinneqarnerat/attaveqatigiinneq**

Soqanngilaq

**Ingerlatsivinnit allanit oqaaseqaatit**

Soqanngilaq

**Siusinnerusukkut aalajangerneq**

*Aningaasaqarnermut Inuussutissarsiornermullu Ataatsimiititap 14. januaari 2019-imi aalajangernera:*

Inassutiqaatigineqartoq akuersissutigineqarpoq.

Ad §20, imm.4: Tusarniaassummut akissuteqaammut siunnersuut oqaaseqaatitaqanngilaq.

Ad §25, imm.1: Imigassanik tuniniaanerup ammasarfiisa sivitsorneqarnissai eqqarsaatigalugit pitsaasumik sunniuteqassasoq amerlanerussuteqartunit neriuutigineqarpoq. Allannguutissatut siunnersuut ikinnerussuteqartut akerlerivaat.

Ad §27, imm. 4-mut: Maanna ussaasaareqqusaannginnerup sakkukillisarneqarnissaa amerlanerussuteqartunit pitsaasutut isigineqarpoq. Ussaasaareqqusaannginnerup tamakkiisumik atorunnaarsinneqarnissaa ikinnerussuteqartut isumaqatigivaat.

Ad §28-mut: Allannguutissatut siunnersuut amerlanerussuteqartunit akuerineqarpoq, aamma assersuisoqassanersoq pisiniarfiit namminneq aalajangissagaat kissaatigalugu.

Tamatuma saniatigut imigassanut inatsimmik allannguneq marloriarluni pisumi periuuserineqartoq pissusissamisuumngitsoq ataatsimiititamit tamarmiusumit isumaqatigiissutigineqarpoq.

**Ilanngussat**

1. Tusarniaanermi akissuteqaat

2. Inatsisartut inatsisaat nr xx xx xxx 2019-imeersoq, imigassat aalakoornartullit pillugit  
Inatsisartut inatsisaata allanngortinnera pillugu
3. Siunnersuummut nassuiaatit

## **Punkt 4: Aalajangiiffigisassat**

# **Punkt 04A: Tapiiffigitinnissamut malittarisassat nutarternissaannut siunnersuut**

## **Beslutning**

Inassuteqaatit akuerineqarput imannak oqaasertalerlugit:

- Kommunalbestyrelsen aalajangersarpar tapiiffigitinnissamut malittarisassat ukiuni 2019-imi aammalu 2020-mi atuutsinneqassasut, aammalu
- Tapiiffigineqarsimasut allattoqarfimmumt aningaasat siunertamut atorineqarsimanersut nalunaarutigisassagaat.

## **Bilag**

Bilag 1 - Forslag-1-Fornyelse-tilskudsregler-alm 22923\_KAL.docx

Bilag 2 - Forslag-2-Fornyelse-af-tilskudsregler-1-november\_22923\_KAL.docx

Bilag 3 - Forslag-3-Fordelings-eksempler-i-fordelingsnøgleprincip-KAL.docx

Bilag 4 - Tilskudsregler pr 1 april 2014 DA (3).pdf

Bilag 5 - Høringssvar fra december 2017.docx

Bilag 6 - Høringssvar fra august 2018.docx

Bilag 7 - Høringssvar fra september 2018.docx

## **Tapiiffigitinnissamut malittarisassat nutarternissaannut siunnersuut**

Sammissaqartitsineq aamma timersorneq

Aalajangiiffigisassaq

J. nr.: 55.02

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

### **Suliassamik eqikkaaneq**

Tapiiffigitinnissamut malittarisassat maanna atuuttut maajip qaammataani 2014-meersut allanngortinnissaannut Meeqqanut Atuarfeqarnermullu Ingerlatsivik siunnersuusiorpoq. Allannguuteqarnissamut siunnersuuteqarneq ilaatigut inatsimmi allannguinnermit tunngaveqarpoq, matumani innersuussutigineqarpoq Kulturikkut ingerlatsineq sunngiffimmilu sammissassaqartitsineq pillugit Inatsisartut inatsisaat nr. 5, 6. juni 2016-imeersoq peqatigiiffiillu allaffissornikkut suliqaartarnerat annikinnerpaaffianiitillugu.

Suliap sularineqarnerani siullermi AIA itigartippa allattoqarfimmullu utertillugu, kissaatigineqarmat siunnersuutit iluaqutai, ajoqutai kingunerisassaalu ersarissarneqassasut.

Tamanna tunngavigalugu Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititap tapiiffigitinnissamut malittarisassanut siunnersuutit pingasut akornanni arlaat isummerfigissagaa inassuteqaatigaa.

Suliaq Meeqqanut Atuarfeqarnermullu Ataatsimiititamit siullermeerlugu sularineqarpoq novembarip tallimaanni 2018, tassani ataatsimiititap siunnersuut 3 akuersissutigaa sularlu Aningaasaqarnermut Inuussutissarsiornermullu Ataatsimiititamut kiisalu kommunalbestyrelsimut inaarutaasumik akuerisassanngorlugu ingerlateqqillugu.

Suliap suliareqqaarnerani Aningaasaqarnermut Inuussutissarsiornermullu Ataatsimiititap novembarip 7-ani 2018 ataatsimiinnerminni suliqaq allatseqarfimmu uterteqqippaa, tassani siunnersuutigineqartut tamarmik ataasiakkaarlugit iluaqutissai, iluaqutissarinngisai kingunerisassaallu ataatsimiititamit erseqqarinnersumik allanneqarnissaat kissaatigineqarmat.

Ingerlatsivimmit suliqaq sulereqqinneqarpoq aammalu Meeqqanut Atuarfeqarnermut Ataatsimiititamut decembarip ulluisa sisamaani 2018 ataatsimiinnissannut ingerlateqqinneqarluni, tassani ataatsimiititap siunnersuutigineqartut pingasut akuerissanngilaat, sularlu Aningaasaqarnermut Inuussutissarsiornermullu Ataatsimiititamut aalajangiiffigisassatut kiisalu Kommunalbestyrelsimut inaarutaasumik aalajangiiffigisassanngorlugu ingerlateqqillugu.

Suliap Aningaasaqarnermut Inuussutissarsiornermullu Ataatsimiititami piungajussaa oqaluuserineqarnerani ataatsimiititap 14. januaari 2019-imi ataatsimiinnermini inassuteqaatit siunnersuut 3 ilanngullugu akuersissutigivai. Maanna inaarutaasumik akuersissutigisassanngorlugu Kommunalbestyrelsimut ingerlateqqinneqarpoq.

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Tapiiffigitinnissamut malittarisassat nutarterneqarneri inaarutaasumik akuersissutigineqassasut, aammalu
- Kommunalbestyrelsip siunnersuut 3 toqqassagaa.

## **Suliassamik saqqummiussineq**

Susasaqartitsineranut timersornermullu tapiissuteqarnermut malittarisassat nutarterneqassasut Meeqqanut Atuarfeqarnermullu Ingerlatsivimmit aalajangiunneqarpoq. Siunertaavoq ilaatigut peqatigiiffiit allaffissornermik suliaqarnerata annikillisaaffiginissaa.

Tapiiffigitinnissamut malittarisassat innuttaasunut peqatigiiffinnullu Meeqqanut Atuarfeqarnermullu Ingerlatsivimmit pingasoriarlugit tusarniaassutigineqarput. Tusarniaaneq siullesq nalinginnaasumik tusarniaaneruvoq, tassanilu malittarisassat naleqqussarnissaannut siunnersuutissaqartoqaruni soqutigisaqaqatigiit siunnersuuteqaqquneqarlutik. Tassani katillugit tusarniaassummut akissuteqaatit pingasut ingerlatsivimmit tiguneqarput. Tusarniaanerit aappaat malittarisassanut agguaasseriaatsimut tunngasuvoq tassanilu tusarniaassummut akissutit ingerlatsivimmit tiguneqartut 11-pput. Naggataatigullu tusarniaanerit pingajuat ingerlanneqarpoq, tassanilu ingerlatsivik sukumiisunik pingasunik siunnersuuteqarpoq tusarniaassumnullu akissutit marluk ingerlatsiviup tigullugit.

Allannguutissatut siunnersuutit pingasut tassaapput:

Siunnersuut 1:

Maannakkut tapiissuteqartarnermut malittarisassat allanngortinnagit ingerlaannassasut. Tunngaviatigut ukioq kaajallallugu timersornikkut unammuaarnernut tapiiffigineqarnissamut peqatigiiffiit qinnuteqarsinnaapput. Qinnuteqarnermi billetsit inniminnernerat uppernarsaatitut ilanngunneqartassapput, sullissinerlu ullut tallimat sinnerlugit sivirususeqarpat, pitsaanngequtigisinnaavaa angalanissamut inniminniinerit peqatigiiffinit annaaneqartut, tassami ullut tallimaatinnagit angalatitseqatigiiffinni malittarisassat malillugit akilerneqareersimasussaagamik. Siunnersuut 1 naapertorlugu Peqqinnermut Susasaqartitsineramullu Immikkoortortaqarfiup tapiiffigitinnissamut malittarisassat najoqqutassartai attatiinnarpai, taamaattumik malittarisassat allanngunngingajapput, taamaattoq ataasiakkaat eqqaassanngikkaanni ataanilu erseqqissarneqarput.

Tapiiffigitinnissamut malittarisassat allanngortinneqarnissaannut siunnersuut 1:

- Meeqqanut pinerluuteqarsimannginnermut uppernarsaateqarnissaq malittarisassani ilaatinneqarpoq. Sungiusaasunik sulisoqalernerimi meeqqanik pinerliisimannginnermut uppernarsaatinik peqatigiiffiit pissarseqqaassasut pisussaaffiliisoqarpoq, tassa Meeqqanik pinerliisimannginnermut uppernarsaatinik piumasaqaateqartussaataaneq pillugu Inatsisartut inatsisaata allanngortinnera pillugu Inatsisartut inatsisaat nr. 7, 3. juni 2015-imeersoq. (Atuuffiata annertusinera).
- Inuit ataasiakkaat nammineq akilikkaminnik najugarisartik qimallugu pikkorissartunut peqataajartornerannut tunngasoq – tapiissuteqarnermut malittarisassanit peerneqarpoq. Pissutigalugu pikkorissarnerit inatsisitigut tapersorsorneqarsinnaannginnamik, pissutigalugu pikkorissarnerit piginnaasaqarnerulernissanut tunngasuummata, Kulturikkut ingerlatsineq sunngiffimmilu sammisasaqartitsineq pillugu Inatsisartut inatsisaat nr. 5, 6. juni 2016-imeersoq innersuussutigineqarpoq.
- Tapiiffigineqarnissamut malittarisassaniit oqaatsit pillugit pikkorissarnissamut periarfissat peerneqarput, pikkorissarnermut tapiisarnerit pillugit tunngavilersuutaa assigaa.
- Erinarsoqatigiinnermut tunngatillugu, § 8.1, 8.2 aamma 8.3 tapiissuteqarnermut malittarisassanit peerneqarput. Matumani erinarsoqatigiinneq sammisasaqartitsinerugami peqatigiiffittulli allatut periarfissaqartinneqassallutik, siunnersuut 1 innersuussutigalugu.
- Pequtinik atortussanillu pissarsineq malittarisassanit peerneqarput, pissutigalugu qaqutigut atorineqartaramik.
- Pokalinik pisinissamut tapiissutit amerlanerpaamik 5.000 koruuninngortinneqarput. Sakkortuumik timersuutitut tapiissuteqartarneq pillugu amerlanerpaamik angalanermit uterlugulu billetsip affaa tapiiffigineqartarpoq. Maanna tapiissutit allanngortinneqarput

peqataasumut ataatsimut 1.500 koruuninngortinneqarlutik, matumani sakkortuumik timersuutit peqataaffigineqartarnissaannut soqutiginnittut amerliartorneri pissutaapput.

Siunnersuut 1-mi pitsaaqutit:

Periarfissat killilersuinerillu pioreersut peqatigiiffinnit ilisimaarineqarput, taamaattumik allannguut una paasinarluassooq.

Siunnersuut 1-mi akorngutit:

Billestit neqeroorutit akillu pissarsiarereernerisa kingorna angalatitsisartut piffissaliussaat ullut tallimaasut peqatigiiffinnit malinniarneqarnissaat ajornakusoortinneqassaaq, peqatigiiffiit uppersaatissarpassuarnik allakkanik Kommuneqarfik Sermersuumut tunniussisussaaneq pissutigalugu. Misilittakkat najoqqutaralugit uppersaatiniq tamakkuninnga paarlaasseqatigiittarneq peqatigiiffinnut ilungersunartarpoq, pissutigalugu paasissutissat arlallit amigartarmata. Taamatut suliaqarnerinnaq sivisusarpoq. Peqatigiiffiit ulapileruttormik nalaani qinnuteqaateqartarput sullissinertaalu sivisusinnaalluni.

Tapiissutit amerlanerpaat angalanernut atorneqartarput. Peqatigiiffiit mikinerusut angalanissaminnut tapiissutisineq ajorput, taamaallaat tapiissutimininnguit peqatigiiffiup ilaasortaanut atugassanik qinnuteqartoqarsinnaavoq, soorlu ilaasortamut ataatsimut 100 kr..

Siunnersuut 1-ip kingunerisinnaasai:

Peqatigiiffiit namminneq najugaqarfimminni nalinginnaasumik ineriartortitsinissaminnut tapiissutisineq ajorput. Peqatigiiffiit taamaalisut sulii angalatitseqatigiiffiit piffissaliussaat naammassiuminaatsissuaat allatullu ajornartumik immaqa aningaasartuutissanut ileqqaartariaqartarsinnaallutik, peqatigiiffiillu tamarmik taamaaliorsinnaanngillat.

Allaffeqarfimmit ilassutitut aningaasaliisoqarnissaanik qinnuteqartoqaratarsinnaavoq, ilaatigut peqatigiiffiit immikkut pineqarnissaat pinngitsoortinniarlugu ilaatigut kingusinnerusukkut peqatigiiffiit allat eqqarsaatigalugit GM-ertitsinissaq peqquataalluni. Matumani angalanernut tapiissutit procentitai allanngortinneqassanngitsut eqqarsaatigineqarput.

Siunnersuut 2:

Tapiissuteqartarnermut siunnersuut 2 siunnersuut 1-imi periuseq assigaa, taamaattoq peqatigiiffinnut tamanut qinnuteqarnissamut piffissaliunneqartoq aningaasat atorneqarnissaannut ukiumik ataatsimik sioqutsisitsilluni novembarip ulluisa aallaqqaataanut killilerneqarpoq. Aningaasat januaarip aallartinnerani agguanneqassapput. Siunnersuutip pitsaaqutigivaa, peqatigiiffiit sammisaqarnissatik namminneerlutik pilersaarusiorsinnaalissagaat, soorlu procenti aalajangersimasoq naaportorlugu tapiiffigineqarnissatik peqatigiiffiit/qinnuteqartut tamarmik naatsorsuutsittassasut. Tamatuma saniatigut billestinik piffissaq eqqorlugu akiliisarnissamut peqatigiiffinnut ajornaallisaaataassaaq.

Siunnersuut 2-mi pitsaaqutit:

Tapiiffigtinnissamut siunnersuut 2-p pitsaaqutigissavaa peqatigiiffiit ilisimaarimmatigut periarfissat killissarititaasullu. Taamaattumik una allannguut paasiuminassaaq. Tapiissutillu tunniutinnginnerini procentiunneqartussa assigiitsinneqassapput. Siunnersuutip peqatigiiffiit billestit piffissaq eqqorlugu akilernissaannut ajornannginnerulertitsissaaq, peqatigiiffiit tapiissutit ukiup aallartinnerani tigusartussaammatigut.

Siunnersuut 2-mi akorngutit:

Peqatigiiffiit tamarmik novembarip ulluisa aallaqqaataanni siumungaaq GM sumi ingerlanneqarnissaanik nalunaarutiginnissaanut periarfissaqarnavianninnerat. Matumani peqquataavoq kattuffiit immikkut ittut ukiup tulliani GM-imik ingerlatsinissamut sumiiffimmik ulluliinissamillu piareersimatitsinaviannimmata tamatumalu saniatigut finalernissanut

anngunniunnerit ingerlateqqaartussaallugit. Peqatigiiffiit naatsorsuutigisamit ikinnerusunik imaluunniit amerlanerusunik tapiissutiseratarsinnaapput, pequtugalugu billetsip akii allangorartarmata. Novembarip ulluisa aallaqqaataanniit qinnuteqartunut aningaasaliissutaasut tamaasa atorneqassappata, angalanissanut imaluunniit sammisassaqtitsinernut naatsorsuutaanngitsunut ingerlatsivik tapiislinnaassanngilaq.

Tapiissutit siumoortumik sumut atornissaat aaliangersagaapput, imatut paasillugu tapiissutit tapiisarnermut aaliangersakkat malillugit taamaallaat atorneqarsinnaapput.

Siunnersuut 2-p kingunerisinnaasai:

Peqatigiiffiit sammisassaqtitsinertik piareersarluarnerulersinnaavaat. Peqatigiiffiit ilaannut tamanna ajoqutaasinnaavoq.

Ingerlatsivik aningaasanik immikkoortitsisariaqartassaaq, timersuutit ilai pissartanngorniunnerit aallartinginnerini anngunniunnertaqartarmata.

Siunnersuut 3:

Siunnersuut 3 siunertaraa peqatigiiffinnut ingerlatsinikkut tapiissutit tunniunneqarnerini pingaarnertut agguaassassat. Aningaasaliissutit katillugit tapiissutit peqatigiiffinnut ataasiakkaanut naatsorsoriarlugit tapiissutigineqassapput, tassani peqatigiiffinnut ukiuni kingullerni pingasuni tapiissutaasimasut agguaqatigiisillugit tunngavigineqassapput.

Siunnersuut 3-mi pitsaaqutit:

Siunnersuutip pitsaaqutigivaa peqatigiiffiit tamarmik qinnuteqaaqaratik tapiiffigineqartassammata, Peqatigiiffinni tamani peqatigiiffilerinermi ineriartortitsinissamut atugassarititaasut assigiilissapput. Siunnersuut 3 akuersissutigineqassappat, ukiup missingersuusiorfiusup aallartinnerani peqatigiiffiit paasitineqassapput tapiissutissaat qanoq amerlatigissanersut aamma taamaalillutik sammisassaqtitsinertit siunissami pisussat pilersaarusiorsinnaanngorlugit. Aaqqiissut una atorlugu peqatigiiffiit siunissami missingersuutit namminneq aqussinnaassavaat ilaatigut katersuillutik peqatigiiffilerinermilu anguniakkamik angunissaannut aningaasat atorlugit.. Peqatigiiffiit allaffissornerat annikinnerulissaaq. Allaffeqarfimmi sullissineq ullunik 30-nik sivirususeqassanngilaq, taamaalillutik peqatigiiffiit Kommuneqarfik Sermersooq utaqjisassanngilaat.

Siunnersuut 3-mi akorngutit:

Pitsaanngequtigissavaa peqatigiiffiit ilaat siusinnerusumut naleqqiullugu annikinnerusunik tapiiffigineqartalissammata, pissutigalugu aningaasat agguataarneqassammata. Peqatigiiffik arlalinnik immikkoortortaqaereesoq taamaalilluni tapiissutinik immikkoortortaminut agguaassalissaaq.

Siunnersuut 3-p kingunerisinnaasai:

Kingunerisinnaasai tassaasinnaapput peqatigiiffiit ukiuni kingullerni unammiffiusartuniit ungasinnermi pissartanngorniutivinnernut ilaassappata aningaasartuuteqarsinnaanissaq annertunerusumik namminneq akiligassaqaalersinnaanerat, akerlianilli illoqarfigisami unammersuuartoqarpat aningaasartuutit ikinnerussapput iluaqutissiisunik. Peqatigiiffiit naatsorsuinerminni ilimagigunikku aappaagornissaanut aningaasartuutissat annertuumik annertunerussasut kommunimut maajip aallaqqaataatinnagu qinnutigisinnaavaat, aningaasaqarnermut missingersuutinut qinnuteqaatit ilanngunneqassammata. Peqatigiiffiit qinnuteqaasiornermut piffissaq atugassartik suliannut pingaarnernut atorsinnaalissavaat.

*Aaqqiissutissatut siunnersuut – suliatigut naliliineq*

Tusarniaassummut akissutit tunniunneqartut pitsaaqutit, ajoqutit kingunerisassaalu maanna Meeqqanut Atuarfeqarnermullu Ingerlatsivimmit ataatsimoortinneqarput.

Tusarniaassummut akissuteqaataasut tunngavigalugit tapiiffigitinnissamut malittarisassat allangortinneqarneri eqqarsaatigalugit peqatigiiffinnit assigiinngitsunik isumaqarfigineqartut

ingerlatsivimmit paasineqarpoq. Peqatigiiffiit ilaasa siunnersuut 3 piumaneruaat, tassanilu pissartanngorniuttunut peqataanissamat tamatigut aningaasanik qinnuteqartariaqannginneq tunngavilersuutigaat.

Ilaat isumaqarput siunnersuut 3 naapertorlugu aningaasat agguataarneranni naligiittoqanngitsoq, taakkulu siunnersuut 1 imaluunniit 2 piumanerullugu, ilaatigut ukiumiit ukiumut pissartanngorniunnerit sumiiffiisa assigiinngitsuusarnerat tunngavilersuutigalugu. Ingerlatsivimmiit ilisimaneqartoq aamma tassaavoq, pioreersut allanngortinneqarnerat peqatigiiffiit/innuttaasut assigiinngitsuunik malugiumaaraat. Taamaattumik agguaariaatsip peqatigiiffiit ilaannit naammagineqartuaannannginnissaa ilisimaarilluinarneqarpoq.

Peqatigiiffiit nutaat ukiup missingersuusiorfiusup ingerlanerani pilersinneqarsinnaasut ingerlatsivimmit ilisimaarineqarpoq. Tamakkulu piareersimaffiginarlugit 250.000 koruunit ingerlatsivimmit immikkoortinneqarput. Aningaasanik atunngitsuukkanik peqassagaluarpata peqatigiiffinnut agguataarneqassapput. Ilanngussaq 3 innersuussutigalugu.

#### *Aningaasaqarnikkut sulisoqarnikkullu naliliinerit*

Timersornermut tapiissutitut aningaasartuutit 2,7 millioniupput.

Siunnersuut 1 naapertorlugu ukiup ingerlanerani tapiissuteqarnermut malittarisassani akigititap allanngortinnissaa periarfissaassaaq, akerlianillu siunnersuut 2 aamma 3 naapertorlugit ukiup aallartinnerani aningaasaqarnermut tunngasut pitsaanerusemik malinnaaffigineqarsinnaallutik.

#### *Inatsitigut tunngavissaq allakkallu tunngaviusumik uppernarsaatitallit*

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr 5, 6. juni 2016-imeersoq

#### *Ingerlariaqqinnissaq*

Tapiiffigitinnissamat malittarisassat akuersissutigineqartut ulloq Kommunalbestyelsip akuersineranniit atuutilersinneqassapput. Allannguutit kommunip nittartagaatigut nalunaarutigineqarpata peqatigiiffiit tamarmik ilisimatinneqassapput.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfiup malittarisassat ullutsinnut naleqquttut innersuussutigivai – tassani qaffasissuseq annerpaaq kommunalbestyrelsimit immikkoortinneqarnissaanut periarfissaalerluni – ilaatigut tapersorsorusutat eqqarsaatigalugit. Maannakkut malittarisassat malillugit aningaasaliissutit malinneqarnissaat qularnartarpoq.

#### **Innuttaasunik peqataatitsineq/attaveqatigiinneq**

Arlaleriarluni tusarniaasoqarpoq.

Tusarniaaneq 2017-imi decembarip ulluisa sisamaanni naavoq

Tusarniaaneq 2018-imi aggustip ulluisa aallaqqaataanni naavoq

Tusarniaaneq 2018-imi septembarip ulluisa 27-anni naavoq

#### **Ingerlatsivinnit allanit oqaaseqaatit**

Soqanngilaq

#### **Siusinnerusukkat aalajangererit**

*Aningaasaqarnermut Inuussutissarsiornermullu Ataatsimiititap 14. januaari 2019-imi aalajangerera:*

Ataatsimiititap siunnersuut nr. 3 akuersissutigivaa

*Meeqqanut Atuarfeqarnermullu Ataatsimiititap 18. decembari 2018-imi aalajangerera:*

Ataatsimiititap siunnersuut nr. 3 akuersissutigivaa

*Aningaasaqarnermut Inuussutissarsiornermullu Ataatsimiititap 13. decembari 2018-imi aalajangenera:*

Ataatsimiititap suliaq itigartitsissutigivaa ataatsimiititamullu susassaqartumut utertillugu.

*Meeqqanut Atuarfeqarnermullu Ataatsimiititap 4. decembari 2018-imi aalajangenera:*

Ataatsimiititap siunnersuut akuersissutigeqippaa, inaarutaasumillu akuersissutigineqarnissaanut ingerlateqqillugu

*Aningaasaqarnermut Inuussutissarsiornermullu Ataatsimiititap 7. novembari 2018-imi aalajangenera:*

Ataatsimiititap suliaq itigartitsissutigivaa allaffeqarfimmullu utertillugu.

*Meeqqanut Atuarfeqarnermullu Ataatsimiititap 5. novembari 2018-imi aalajangenera:*

Ataatsimiititap siunnersuut nr. 3 akuersissutigivaa

## **Ilanngussat**

1. Tapiissuteqarnermut malittarisassatut siunnersuut 1
2. Tapiissuteqarnermut malittarisassatut siunnersuut 2
3. Tapiissuteqarnermut malittarisassatut siunnersuut 3
4. Susassaqartitsinerup timersornerullu iluani tapiissuteqarnermut malittarisassat maanna atuuttut
5. 2017-imi decembarimit tusarniaassummut akissutit
6. 2018-imi aggustimit tusarniaassummut akissutit
7. 2018-imi septembarimit tusarniaassummut akissutit

## **Punkt 04B: Qinersinermut Siulersuisut**

### **Beslutning**

Demokratinit Justus Hansen (D) Qinersinermi Siulersuisunut innersuussutigineqarpoq.

Innersuussut taavalu Demokratit innersuussinerat Kommunalbestyrelsimit akuerineqarpoq.

## **Qinersinnermut Siulersuisut**

2019-imi Folketingimut qinersisoqarnissaa

Aalajangiiffigisassaq

J.nr.: 11.02-A00-8-18

Suliffeqarfimmut Kiffartuussivik - Kommunaldirektøri Lars Møller-Sørensen / LMS

### **Suliassamik eqikkaaneq**

Kingusinnerpaamik ulloq 17. juuni 2019 Folketingimut ileqquusumik qinersisoqassaaq. Tassunga atatillugu qinersinnermut siulersuisunik pilersitsisoqassaaq, tassanilu kommunalbestyrelsip siulittaasua ikinnerpaamillu kommunalbestyrelsimi ilaasortat marluk ilaasortaassapput.

Aningaasaqarnermut Inuussutissarsiornermullu Ataatsimiititap 13. decembari 2018-imi ataatsimiinnermini inassuteqaat akuersissutigaa suliarlu ilisimatitsissutitut Kommunalbestyrelsimut ingerlateqqillugu.

Ilaasortatut innersuussutigineqartut marluk tassaapput Siumumit Peter Davidsen toqqarneeqarpoq. Demokraatinit ilaasortassaq Kommunalbestyrelsip ataatsimiinnerata tulliani aqqa nalunaarutigineqassaaq.

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Siumumiit Peter Davidsen aammalu Demokraatinit ilaasortassaq (ataatsimiinnermi saqqummiunneqassaaq) Folketingimi qinersinnermi siulersuisunut ilaasortanngornissaat akuerineqassasoq

### **Suliassamik saqqummiussineq**

Kingusinnerpaamik ulloq 17. juuni 2019 Folketingimut qinersisoqassaaq. Suli qinersinissaq suaarutigineqanngilaq. Qinersineq Kalaallit Nunaanni Folketingimut qinersinnermut inatsimmut nalunaarut nr. 255 28. aprili 1999-meersumi § 24 malillugu suaarutigineqassaaq. Folketingimut qinersinissamut suaarutiginninnermit qinersinnermillu ingerlatsinissamut nalinginnaasumik piffissaritinneqartartoq sivikitsuinnaasarpoq. Taamaattumik Qinikkanut Allatseqarfimmit Aningaasaqarnermut Inuussutissarsiornermullu Ataatsimiititamut qinersinnermut siulersuisut sioqqutsilluni pilersinneqarnissaat kaammattuutigineqarpoq.

2018-imi Inatsisartunut qinersinissamut misilittakkat tunngavigalugit, eqaannerusumik ingerlatsisoqarniassamat, qinersinnermut siulersuisut pingasunik ilaasortaqaarnissaa siunnersuutigineqarpoq.

Qinersineq Kalaallit Nunaanni Naalagaaffiup sinniisuanit aqunneqassaaq. Qinersineq kommunini ataasiakkaani qinersinnermut siulersuisunit aqunneqassaaq.

Qinersinerup ingerlannissaanut qinersinnermut siulersuisut aqutsisuussapput.

### **Qinersinnermut siulersuisut suliassai**

Qinersineq Kalaallit Nunaanni Naalagaaffiup sinniisuanit aqunneqassaaq. Qinersineq kommunini ataasiakkaani qinersinnermut siulersuisunit aqunneqassaaq.

Qinersinerup ingerlannissaanut qinersinnermut siulersuisut aqutsisuussapput.

Qinersinermi siulersuisut ataatsimiittassapput, naatsorsuutigineqarporlu qinersinermi siulersuisut ataasiarlutik marloriarlutilluunniit ataatsimiikkumaartut makku oqaluuserisassaralugit:

- Taaguinermik siulersuisunik taasiartorfissanillu toqqaanerit.
- Qinigassanngortitanik nalunaarutininik tigusineq aamma Naalagaaffiup sinniisuanut ingerlatitseqqineq
- Qinersisartut allassimaffii akuerineqarneri
- Inimik qinersivimmik akuersineq (ileqquuvoq, inatsisitigut piumasaqaataangilaq)
- Ulloq qinersivik/unnukkua (ileqquuvoq, inatsisitigut piumasaqaataangilaq)
- Qinersinermut allattaavimmik akuersissutiginninneq

#### *Aaqqiissutissatut siunnersuut – suliatigut naliliineq*

Qinikkanut Allatseqarfimmit kommunalbestyrelsimut inassutigineqarpoq, borgmesterip saniatigut qinersinermut siulersuisunut amerlanerussuteqartut malillugit taasisoqarneratigut ilaasortat marluk toqqarneqassasut.

#### *Aningaasaqarnikkut sulisoqarnikkullu naliliinerit*

Soqanngilaq

#### *Inatsisitigut tunngavissaq allakkallu tunngaviusumik uppersarsaatitallit*

- Kalaallit Nunaanni Folketingimut qinersinermut inatsimmut nalunaarut nr. 255 28. aprilli 1999-meersoq

#### *Ingerlariaqqinnissaq*

Folketingimut qinersinissaq suaarutigineqariaqarpat qinersinermut siulersuisut ataatsimiigiaqquneqassapput.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

#### **Siusinnerusukkut aalajangerneq**

*Aningaasaqarnermut Inuussutissarsiornermullu Ataatsimiititap 13. decembari 2019-imi aalajangernera:*

Inassuteqaat akuersissutigineqarpoq.

Ilaasortatut innersuussutigineqartut marluk tassaapput:

Siumumit Peter Davidsen taavalu Demokratinit Kommunalbestyrelsip ataatsimiinnerani tulliani aqqa nalunaarutigineqassaaq.

#### **Ilanngussat**

Soqanngilaq

## **Punkt 04C: Qilalukkat pillugit politikkerimit siunnersuut**

### **Beslutning**

Inassuteqaat akuerineqarpoq.

### **Bilag**

Bilag 1 KAL.pdf

Bilag 2 KAL.doc

## **Qilalukkat pillugit politikkerimit siunnersuut**

Qilalukkat qernertat qaortallu sunngiffimmi piniartunut akuersissutigineqarsimasut amerlineqarnissaannik siunnersuut pillugu Tasiilami nunaqarfiinilu aalisartut piniartullu siulittaasuinut tusarniaaneq

Aalajangiiffigisassaq

J nr: 72.00

Suliffeqarfimmi Kiffartuussivik – Kommunaldirektøri Lars Møller-Sørensen / LMS

### **Suliap eqikkarnera**

Suliffeqarfimmi Kiffartuussivimmi sulisut ilaat Tasiilami nunaqarfiinilu (Tiilerilaaq, Kulusuk, Sermiligaaq, Isertoq, Kuummiit) aalisartut piniartullu siulittaasuinik oqarasuaatikkut tusarniaasimavoq.

Siulittaasut apersorneqartut Tunumi maannakkut qilalugartassanik agguassineri najoqqutassat amerlineqarnissaannik siunnersuut akerleraat, maannakkut inatsit naapertorlugu 15 %-iusoq.

Aalisarnermut oqartussaqaqarnermullu immikkoortortap suliap matumuuna matuaa.

Aningaasaqarnermut Inuussutissarsiornermullu Ataatsimiititap 14. januari 2019-imi ataatsimiinnermini inassuteqaat akuersissutigaa suliarlu ilisimatitsissutitut Kommunalbestyrelsimut ingerlateqqillugu imannak oqaasertalerlugu:

*"Tusarniaassummut akissutigineqartoq tunngavigalugu siunnersuut Aningaasaqarnermut Inuussutissarsiornermullu Ataatsimiititamit itigartinneqarpoq"*

*"Mala Høy Kuko-p politikeritut siunnersuutaata oqaluuserineqalernerani ilanngussatut ilanngunneqassasoq."*

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Politikertut siunnersuut itigartinneqassasoq.

### **Suliamik saqqummiussineq**

Suliffeqarfimmi Kiffartuussivimmi sulisut ilaat Tasiilami nunaqarfiinilu (Tiilerilaaq, Kulusuk, Sermiligaaq, Isertoq, Kuummiit) aalisartut piniartullu siulittaasuinik oqarasuaatikkut tusarniaasimavoq.

Siulittaasut apersorneqartut Tunumi maannakkut qilalugartassanik agguassineri najoqqutassat amerlineqarnissaannik siunnersuut akerleraat, maannakkut inatsit naapertorlugu 15 %-iusoq.

Isertumi piniartut ilaat naapertorlugu qilalukkanik qaortanik aamma/imaluunniit qernertanik piniarneq inuussutissarsiuutigalugu piniartunut ilungersunarpoq, tassami sunngiffimmi piniarnermut allagartamik piginnittoq qilalukkamik qernertamik qaortamilluunniit pisaqaruni inuussutissarsiuutigalugu piniartumut ilisarisimasaminut pisariaqartutut nalunaarsortitsisarnerat nalinginnaaleraluttuinnarmat, taamatullu iliortarneq inuussutissarsiuutigalugu piniartut qilalukkanik qernertanik qaortanillu killilersugaareersunik piniarnarnerat annikillisinneqartarpoq.

Matumani oqarasuaatikkut tusarniaasoqarpoq, tusarniaanermilu tusarniaaffigineqartut tassaapput:

- Tiilerilaaq, Hans Jonathansen (siulittaasoq nutaaq)
- Kulusuk, Pele Maratse
- Kuummiit lili Ignatiussen
- Tasiilaq Frede Kilime
- Sermiligaaq Didrik Knudsen
- Isertoq Salomon Kærgaard (piniartog)

#### *Aaqqiissutissatut siunnersuut - suliatigut naliliineq*

Aalisarnermut oqartussaqaqarnermullu immikkoortortap nalilerpaa, suliami matumani kommune iliuuseqaqqissanngitsoq, Inuussutissarsiutigalugu piniartut amerliliisoqarsinnaaneranik kissaateqaqarnermik akerliliinerat Namminersorlutik Oqartussanut tusaaniarneqarniarmat.

#### *Aningaasaqarnikkut sulisoqarnikkullu naliliinerit*

Soqanngilaq

#### *Inatsisitigut tunngavigisat allagaatillu tunngaviliiviusut*

Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr 3, 27 januar 2017-imeersoq

#### *Ingerlariaqqinnissaq*

Kommunalbestyrelsip aalajangernera piviusunngortinneqassaaq.

#### **Aningaasaqarnermut Allattoqarfimmit oqaaseqaatit**

Aningaasaqarnermut Allattoqarfimmit oqaaseqartitsisoqarsimanngilaq

#### **Innuttaasunik peqataatitsineq/attaveqaqatigiinneq**

Tasiilami, Sermiligaami, Isertumi, Tiilerilaami, Kuummiini Kulusummilu piniartut oqarasuaatikkut tusarniaaffigineqarsimapput.

#### **Ingerlatsivinnit allanit oqaaseqaatit**

Aningaasaqarnermut Allattoqarfimmit oqaaseqartitsisoqarsimanngilaq

#### **Siusinnerusukkut aalajangerneq**

*Aningaasaqarnermut Inuussutissarsiornermullu Ataatsimiititap 14. januaari 2019-imi aalajangernera:*

*"Tusarniaassummut akissutigineqartoq tunngavigalugu siunnersuut Aningaasaqarnermut Inuussutissarsiornermullu Ataatsimiititamit itigartinneqarpoq"*

*Aamma "Mala Høy Kuko-p politikeritut siunnersuutaata oqaluuserineqalernerani ilanngussatut ilanngunneqassasoq."*

#### **Bilag**

1. Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 3, 27. januar 2017-imeersoq

## **Punkt 04D: Sermersooq Business Council-imit 2019-imit Inuussutissarsiorneq pillugu pilersaarut**

### **Beslutning**

Inassuteqaat akuerineqarpoq.

### **Bilag**

Erhvervsplan-2019\_24543\_KAL.docx

## **Sermersooq Business Council-imit 2019-imit Inuussutissarsiorneq pillugu pilersaarut**

Aalajangiiffigisassaq

Suliap normua: 66.15-A00-29-18

Suliffeqarfimmut Kiffartuussineq - Kommunaldirektøri Lars Møller-Sørensen / LMS

### **Suliassamik eqikkaaneq**

Ineriartortitsinermik Piujuartitsinermullu Allatseqarfik Sermersooq Business Councilimut (naalisarlugu SBC) 2019-imit kiffartuussinermut isumaqatigiisummik siunnersuuteqarpoq. Pilersaarummi suliniutit SBC-ip piffissami 2018-21-mut periusissaanut, Illoqarfiit pingaarnersaat pillugu periusissiaq aamma Kommuneqarfik Sermersuumi politikkikkut suleqatigiinnissamik isumaqatigiissutit aallaavigineqarput.

2019-imit Inuussutissarsiorneq pillugu pilersaarummi takornariaqarneq, sinaakkutaasumik atugassaritinneqartut, aalisarneq, Inuussutissat pillugit soqutigisaqatigiit aallarnisaasuunerlu sammineqassapput.

Nutaatut pilersaarummi sammisanut ataasiakkaanut aalajangersimasumik anguniagassatut, kommunimi kiffartuussinermut isumaqatigiisummi Inuussutissarsiornermut ineriartortitsinissamut aningaasartuutiniq atorluannissaq qulakkeerniarlugu, ilanngussisoqassaaq.

Suliffeqarfimmi Kiffartuussiviup SBC-ip 2019-imit Inuussutissarsiornermut pilersaarutaata akuerineqarnissaa innersuussutigaa.

Aningaasaqarnermut Inuussutissarsiornermullu Ataatsimiititap 13. decembari 2018-imi ataatsimiinnermini inassuteqaat akuersissutigaa suliarlu ilisimatitsissutitut Kommunalbestyrelsimut ingerlateqqillugu.

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- SBC-p Inuussutissarsiorneq pillugu pilersaarutaa akuersissutigineqassasoq.

### **Suliassamik saqqummiussineq.**

Ineriartortitsinermik Piujuartitsinermullu Allatseqarfik Sermersooq Business Councilimut (naalisarlugu SBC) 2019-imit kiffartuussinermut isumaqatigiisummik siunnersuuteqarpoq. Pilersaarummi suliniutit SBC-ip piffissami 2018-21-mut periusissaanut, Illoqarfiit pingaarnersaat pillugu periusissiaq aamma Kommuneqarfik Sermersuumi politikkikkut suleqatigiinnissamik isumaqatigiissutit aallaavigineqarput.

2019-imit Inuussutissarsiorneq pillugu pilersaarummi takornariaqarneq, sinaakkutaasumik atugassaritinneqartut, aalisarneq, imaatigut isumalluutit, eqqumiitsulianik nioqutissiinerit, avataanut aningaasaliinerit aallarnisaasuunerlu sammineqassapput.

### **Periusissatut pilersaarut SBC 2018-21 pillugu naatsumik paasisutissat**

Periusissiatut pilersaarummi ilaatigut Kommuneqarfik Sermersuumi suleqatigiinnissamut isumaqatigiissutit aallaavigineqarpoq, tassanilu Inuussutissaqartut siuariartornissamut periarfissaat tulluuttut sammineqassapput; takornariaqarnerup ineriartortinneqarnissaa, avammut tuniniaasarnerup ineriartortinneqarnissaa, pisuussutinik uumaatsunik paaaneq, tunisassiassat nunatsinneersut, nunatsinni tunisassiorneq, pisuussutinik ilisimaneqartunik nungusaataannngitsumik atuineq, avatangiisit silaannarlu pillugu teknologi aamma piffissamut sivikitsumut attartornissamut

isumaqatigiissutit ineriartortinneqarnissaat. SBC-imi siulersuisut taagorneqartut saniatigut suliffeqarfiit misillittagartuut pillugit suliniuteqarnissaq suliniutiginiarlugu siunniuppaat, taakkua akornanni annertusaanissamik periarfissat annerusutut isigineqarmata.

SBC-p 2018-2021-mut periusissiaanut atatillugu SBC-p anguniagai uku allaqqapput:

- Inuussutissarsiortut siuariartornissaannut ineriartornissaannullu tapersiivugut aamma nioqqutit neqeroorutillu aalajangersimasunut sammisut atorlugit inuussutissarsiortunut atuuttunut aallarnisaasunullu pitsaasumik attaveqarluta.
- Inuussutissarsiortut politikimi sinaakkutaasumik atugassaqtinnissaat suliniutigaarput, inuiaqatigiillu ineriartornerannik pisariaqartitaannillu paasisimannilluarluta, inuussutissarsiortut pisortallu taamaalillutik pissutsit tunngavigalugit ilisimasaqarlutik piffissami eqqortumi iliuuseqartarsinnaaniassammata.
- Inuussutissarsiutini, kommunimi ingerlatsivinni uagutsinnilu sulisutut suliffeqarfittullu piginnaasanik pilersitsisarpugut ineriartortitsillutalu.

### **2019-imi suliniuteqarfiit**

SBC-p ukiumi 2019-imi takornariaqarneq, sinaakkutaasumik atugassaritineqartut, aalisarneq inuussutissat pillugit soqutigisaqatigiit aallarnisaasuunerlu samminiarpai. Suliniuteqarfiit ilanngussami itinerusumik eqqartorneqassapput – 2019-imi Inuussutissarsiorneq pillugu pilersaarut.

#### *Aaqqiissutissatut siunnersuut – suliatiqut naliliineq*

Suliffeqarfimmi Kiffartuusiviup SBC-ip 2019-imut inuussutissarsiornermut pilersaarutaata akuerineqarnissaa innersuussutigaa.

Ingerlatsiviup inuussutissarsiornermut pilersaarummik suliaminut atatillugu inuussutissarsiornermi pilersaarummi suliniutit ataasiakkaat pitsanngorsarniarlugit, suliniutillu sunniutaat nalilersorniarlugit kiisalu ukkassinerusumik suliniuteqarnerup siursaataanerunissaa anguniarlugu anguniagassaanik ilanngussivoq. Assersuutigalugu avataanut aningaasaliinernut 10 pct. aalajangersimasumik anguniarneqassaaq.

Massakkumiit ataatsimiititaq ukiumoortumik SBC-mi anguniakkat aalajangersimasut pillugit saqqummiussiffigineqartassaaq.

#### *Aningaasaqarnikkut sulisoqarnikkullu naliliinerit*

Kommuneqarfik Sermersuup SBC-imut aningaasatigut tapiisarnera missingersuutini iluaneererpoq kiffartuussinermullu isumaqatigiissutimi naleqqussarnikuulluni – SBC ukiut tamaasa kiffartuussinermut isumaqatigiissut aqqutigalugu 10 mio koruuninik tunineqartarpoq.

#### *Inatsisitigut tunngavissaq allakkallu tunngaviusumik uppersaatitallit*

SBC-p aamma Kommuneqarfik Sermersuup akornanni kiffartuussinissamut isumaqatigiissut 2018-21.

#### *Ingerlariaqqinnissaq*

Inuussutissarsiorneq pillugu pilersaarut aallarnisarneqassaaq.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqartinneqanngilaq.

**Innuttaasunik peqataatitsineq/attaveqaqatigiinneq**

Soqanngilaq

**Ingerlatsivinnit allanit oqaaseqaatit**

Soqanngilaq

**Siusinnerusukkut aalajangerneq**

*Aningaasaqarnermut Inuusutissarsiornermullu Ataatsimiititap 13. Decembari 2019-imi aalajangernera:*

Inassuteqaat akuersissutigineqarpoq.

**Ilanngussat**

1. 2019-imut Inuusutissarsiorneq pillugu pilersaarut

## **Punkt 04E: Kommuneqarfik Sermersuumi Nunarsuarmi anguniakkat tunaartaralugit iliuusissatut pilersaarut**

### **Beslutning**

Inassuteqaat akuerineqarpoq.

### **Bilag**

Bilag 1 KAL.docx

# Kommuneqarfik Sermersuumi Nunarsuarmi anguniakkat tunaartaralugit iliussissatut pilersaarut

Aalajangiiffigisassaq

J nr: 66.15-A00-44-18

Suliffeqarfimmut Kiffartuussivik - Kommunaldirektøri Lars Møller-Sørensen / LMS

## Suliassamik eqikkaaneq

Borgsterip tungaaniit Nunarsuarmi anguniarneqartut kommunip sulineranut ilanngunneqassasut kissaatigineqarpoq. Tamannalu pivoq ingerlatsiviit tamarmik Nunarsuarmi anguniarneqartut pillugit kommunip periusissionnissaanut ilanngutsinnerisigut. Suliarineqarnerani ingerlatsiviit tamarmik ilaatinneqarput isumassarsianillu iluatinnartunik tunniussaqaarput. Nunarsuarmi anguniarneqartut ima aqqissuussaapput imminnut tapitariinnermik nukittorsaqatigiittussanngorlugit, taamaattumik anguniarneqartunit anguniakkat 8-t pingaarnertit tunngavigineqarput.

Anguniagaq 3: Peqqissuseq inuunerissuunerlu

Anguniagaq 4: Pitsaassusilimmik ilinniagaqarneq

Anguniagaq 8: Suliffissat pitsaasut aningaasaqarnerlu ineriartortortoq

Anguniagaq 9: Suliffissuaqarneq, nutaaliorneq aamma attaveqaatit

Anguniagaq 11: Illoqarfiit najukkamilu inuiaqatigiit piujuartitsisut

Anguniagaq 12 – Akisussaassulimmik atuineq nioqqutissiornerlu

Anguniagaq 13 – Sila pillugu suliniuteqarneq

Anguniagaq 17 – Iliuseqarnermi peqateqarneq

Anguniakkat taakkua tunngavigalugit, kommunip pingaarnertut suliassaani, periusissiaaereersuni kiisalu politikkikkut suleqatigiinnissamik isumaqatigiisummi, qulequttat tallimat uku suliarineqarput:

- Meeqqat inuusuttullu siunissaraavut
- Namminersorluni inuussutissarsiuqarnerup siuarsarnissaanut qitiusoq
- Inuttut ineriartornissamut tunngavissaq
- Kommune imminut napatissinnaasoq
- Kommune suliffissalik, nutaaliortoq uummaarissorlu

Qulequttat ataasiakkaat ataanni kommunip massakut suliarisai suliniutaalu allatorneqarput aamma anguniakkat ingerlatsivinnilu pineqartuni siunissami suliniutissat ilanngunneqarlutik.

Aningaasaqarnermut Inuussutissarsiornermullu Ataatsimiititap 13. decembari 2018-imi ataatsimiinnermini inassuteqaat akuersissutigaa suliarlu ilisimatitsissutitut Kommunalbestyrelsimut ingerlateqqillugu.

## Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Nunarsuaq tamakkerlugu anguniakkatut periusissiaq inaarutaasumik akuersissutigineqassasoq.

## Suliassamik saqqummiussineq.

FNip Nunarsuarmi Imminut nappanneqarsinnaasumik ineriartortitsinissamik anguniagai 17-iupput, 2030-p tungaanut imminut nappanneqarsinnaasumik nunarsuarmi qanoq ineriartortitsisoqarnissaa pillugu.. Periutsit Imminut nappanneqarsinnaasunut tunngasut sisamat suliarineqarput: Inuuniarnikkut, aningaasaqarnikkut, politikkikkut kiisalu avatangiisimut piujuartitsisut. Anguniakkat

siamasissuupput imminullu tapertariaartuupput, taamaalilluni anguniakkamik suliaqarneq anguniakkanut allanut aamma tuniluussinnaaniassamat. Assersuutigalugu ilinniartitaanermut tunngasumik nukittorsaagaanni, taava aamma imminut nappassinnaasumik ineriartortitsisoqassaaq suliffissaqartitsisoqarlunilu, taamaalillunilu ilaqutariinni isertitat amerlinerisigut aamma nerisassaqarlualersoqarlunilu peqqinnerulertoqassaaq.

Borgsterip tungaaniit Nunarsuarmi anguniarneqartut kommunip sulineranut ilanngunneqassasut kissaatigineqarpoq. Piffissaq sivilisjuartup ingerlanerani nunanit tamalaanit nappanneqarsinnaasumik ineriartortitsineq aamma FN-ip Nunarsuarmut anguniagai qitiutillugit eqqartorneqartarput. Taamatut ineriartortoqarnera aamma Kalaallit Nunaannut attuumassuteqarpoq, taamaattumillu piffissanngorpoq Kommuneqarfik Sermersooq sulinermit tassani ilaalernissaa.

Taamaattumik una tunaartaqarluni iliuusissamik pilersaarut suliarineqarpoq. Anguniarneqarpoq tunaartaqarluni iliuusissamik pilersaarutit annertuumik anguniagaqartuunissaa, kommunimi suliaassanut pingaarnertut tunngatillugu attanneqarsinnaasumik ineriartortitsinissamat tunngavissaliisussaaq. Kommunimi pingaarutilinnut tunngasut assigiinngitsut tamarmik tunaartaqarluni iliuusissamik pilersaarummut ilanngunneqarput ingerlatsiviillu tamarmik ilaatinneqarlutik. Taamaalilluta kommunimi tamarmi ataatsimoorluta kivitseqatigiissaagut, 2030 nallertinnagu, ataatsimut anguniakkanik angusaqarnissamat killissaliusaaq, anguniakkanik periusissiakku nunarsuarmi ataatsimut anguniakkat angusaqarnissamat. Anguniakkanik angusaqarnissamat matumani pingaaruteqarpoq tunaartaqarluni iliuusissamik pilersaarusiaareersunut ilaaginartussatut aammalu tapertaasussatut isiginissaa – aamma una iliuusissaaq taamaalilluni kommunimi suliaassanut ingerlanneqareersunut innersuussutissatut tunngavigineqarsinnaalissamat. Nunarsuarmi anguniarneqartut pillugit tunaartaqarluni iliuusissamik pilersaarusiorneq taamaalilluni imminut attanneqarsinnaasumik ataatsimoorumut isigisumik ineriartortinnissaanut taanna tunngavissatut isigineqassaaq, kommunip tamarmiulluni ataatsimoorussassaa.

Nunarsuarmi anguniakkat ilisimaneqarnissaannik sulineq aallartinneqarpoq, nittarsaassinikkut aammalu kommunalbestyrelse, pisortaqtigiiit aammalu aqutsisoqtigiiit peqatigalugit. Taamaalillunilu tunaartaqarluni iliuusissamik kommunimi pilersaarusiorneq aallartinneqarpoq, iliuusissatut pilersaarutaareersut suliniutaasullu tunngavigalugit, taamaalillu Nunarsuarmi anguniakkat suliaareersunut ilanngullugit suliarineqarput. Suliami ingerlatsiviit tamarmik akuutinneqarput aamma pisortaqtigiiit ataatsimiittarnerini pitsaassutsimillu apersuinermit isumassarsianik iluatinnartunik tunniussisoqarpoq. Taakkua isumassarsiat tunaartaqarluni iliuusissatut pilersaarummut ilanngunneqarput taakkulu ataatsimiititamat saqqummiunneqassapput.

Kommunip pingaarnertut suliaasai tunngavigineqarput, tassalu Illoqarfiit pingaarnersaannut iliuusissatut pilersaarut aammalu politikikkut suleqatigiinnissamik isumaqtigiissut. Anguniakkat imminut ikorfartoqtigiimmata, anguniakkat pingaarnertit 8-t toqqarneqarput, taakkulu kommunimut toqqaannartumik aammalu ulluinnarni sulineranut ilanngunneqarput. Anguniakkat sinneri tulliullugit anguniagassaapput, taakkulu kommunip sulinerata ilaanut ilanngunneqarput. Kommunip anguniakkanik pingaarnertut suliaqarnissani qitiutikkumavaa, taamaaliornermigut aamma suliat kingunerisaannik tulliuttutut anguniagassanut suliaq pitsaasumik sunnuteqassamat. Tulliullugu anguniassanik pingaarnertut qitiutitsinissaaq siullermik tassaavoq ajortumik sunnuteqartitsinnginnissaaq.

Kommunip pingaarnertut anguniagassai 8-t tassaapput:

Anguniagaq 3: Peqqinneq inuunerissuunerlu

Anguniagaq 4: Pitsaassusilimmik ilinniagaqarneq

Anguniagaq 8: Suliffissat pitsaasut aningaasaqarnerlu inerikkiartortoq  
Anguniagaq 9: Suliffissuaqarneq, nutaaliorneq aamma attaveqaatit  
Anguniagaq 11: Illoqarfiit najukkamilu inuiaqatigiit piujuartitsisut  
Anguniagaq 12 – Akisussaassulimmik atuineq nioqqudissiornerlu  
Anguniagaq 13 – Sila pillugu suliniuteqarneq  
Anguniagaq 17 – Iliuuseqarnermi peqateqarneq

Anguniakkat taakkua tunngavigalugit, kommunip pingaarnertut suliassai kiisalu tunaartaqarluni iliuusissamik pilersaarutaareersut, qulequttat 5-t suliarineqarput:

- Meeqqat inuusuttullu siunissaraavut
- Namminersorluni inuussutissarsiateqarnerup siuarsarnissaanut qitiusoq
- Inuttut ineriartornissamut tunngavissaq
- Kommune imminut napatissinnaasoq
- Kommune suliffissalik, nutaaliortoq uummaarissorlu

Qulequttat ataasiakkaat ataanni kommunip massakut sularisai suliniutaalu allatorneqarput aamma anguniakkat ingerlatsivinnilu pineqartuni siunissami suliniutissat ilanngunneqarlutik.

#### *Aaqqiissutissatut siunnersuut – suliatigut naliliineq*

Ingerlatsiviit tamarmik sulinerlut ilaatinneqarput, taamaalilluni kommunip imminut nappanneqarsinnaasumik assigiinngitsutigut suliniutigisai annertuumik ilaatinneqarput. Tamanna suliarnik pisortaqtigiiit CSR-Greenland peqatigalugu nittarsaassinikkut pivoq, aqutsisoqatigiinnut saqqummiussisoqarlunilu aqutsisoqatigiit Nunarsuarmi anguniakkat pillugit ulloqartitsisoqarpoq anguniakkat tassani paasiniarneqarlutik. Taamatut pisoqareemat anguniakkat pingaarnertut pisortaqtigiiit ataatsimiinnerinut saqqummiunneqarput ammalu ingerlatsivimmu, taamaaliornikkut qulequttat assigiinngitsut isumassarsiarineqarput, taamaalillunilu kommunip qulequttanik suliaraqarnera assigiinngitsutigut takuneqarsinnaanissaa qulakkeerneqassamat.

#### *Aningaasaqarnikkut sulisoqarnikkullu naliliinerit*

Tunaartaqarluni iliuusissamik pilersaarusiorneq iliuusissatut pilersaarutaareersunut ilanngunneqarmat tamannalu pissutigalugu tunngavissatut takussutissaavoq, ullumikkut aammalu siunissami kommunip imminut nappanneqarsinnaasunik suliaraqarneranut ikuuutaasussa, taannalu tunaartaqarluni iliuusissamik pilersaarusiorneq aningaasatigut kinguneqartussaannngilaq. Aningaasanut tunngasut, anguniagassamik assigiinngitsunik siunissami suliniutissatut aallartinneqartussat, suliniutissanut ataasiakkaanut piumaarput.

#### *Inatsisitigut tunngavissaq allakkallu tunngaviummik uppersaatitalit*

FN-ip Nunarsuarmi Attanneqarsinnaasumik Ineriartortitsinissaq pillugu anguniagai 17-it

#### *Ingerlariaqqinnissaq*

Kommunalbestyelsip suliarnik akuersineratigut anguniakkat arfineq pingasuusut aallarnisarneqassapput aammalu kommuunip sulerusiinut pioreersunut aallarnisagaannut ilanngunneqassallutik, takorluukkanittaaq aammalu suliniutissani ingerlatsivinni ataasiakkaani ilanngunneqartassallutik.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqartinniarneqanngilaq.

#### **Innuttaasunik peqataatitsineq/attaveqaqatigiinneq**

Illup iluani iliuusissatut pilersaarut matumani pineqarmat, piffissami matumani innuttaasunik akuutitsinermik suliniuteqartoqanngilaq. Tunaartaqarluni iliuusissamik pilersaarut inaarutaasumik akuersissutigineqareerpat tamanut saqqummiunneqarumaarpoq.

**Ingerlatsivinnit allanit oqaaseqaatit**

Ingerlatsiviit tamarmik iliuusissatut pilersaarut oqaaseqarfigeqqullugu pissarsiarivaat ilusilersorneqarneranullu peqataatinneqarput.

**Siusinnerusukkut aalajangerneq**

*Aningaasaqarnermut Inuussutissarsiornermullu Ataatsimiititap 14. januaari 2019-imi aalajangernera:*

Inassuteqaat akuersissutigineqarpoq.

**Ilanngussat**

1. Kommuneqarfik Sermersuup attanneqarsinnaasumik ineriartortitsinissaq pillugu nunarsuarmi anguniakkanik tunaartaqarluni iliuusissatut pilersaarutaa

## **Punkt 04F: Kommunalbestyrelsimit sulinngiffeqarallarnissap sivitsornissaanut qinnuteqaat**

### **Beslutning**

Michael Rosing suliamut attuumassuteqarpallaarluni nalunaarnikuugami ini qimappaa.

Kommunalbestyrelsip Nivi Olsenip (D) sulinngiffeqarnerminik sivitsuinissamik qinnuteqaataa akuersissutigaa. Kommunalbestyrelsip Inuit Ataqatigiit aamma Demokraatit Randi Vestergaard Evaldsenip (D) borgmesterip tulliatut siullertut ingerlaannarnissaanik inassuteqaataat akuersissutigaa aamma Nivi Olsen (D) taarserlugu Michael Rosing (SAM) Kommunalbestyrelsimi ilaasortaagallarnissaa kiisalu Inge Olsvig Brandtimut (IA) Meeqqanut Atuarfeqarnermullu Ataatsimiititami sinniisuunissaa tusaatissatut tiguneqarluni.

### **Bilag**

Bilag 1.docx

## **Kommunalbestyrelsimit sulinngiffeqarallarnissap sivitsornissaanut qinnuteqaat**

Aalajangiiffigisassaq

J. nr.: 00.49-A00-20-18

Suliffeqarfimmi Kiffartuussineq – Kommunaldirektøri Lars Møller-Sørensen / LMS

### **Suliassamik eqikkaaneq**

Nivi Olsenip 1. septembari 2018-imiit atuutilersumik sulinngiffeqarallarnissamut qinnuteqaataa Kommunalbestyrelsip 28. agusti 2018-imi ataatsimiinnermini akuersissutigivaa. Taarsiullugu Michael Rosing Suleqatigiissitsisunit Kommunalbestyrelsimut ivertinneqarpoq. Aammattaaq Nivi Olsen taarserlugu Randi Vestergaard Evaldsen (D) borgmesterip tulliatut siullertut ivertinneqarpoq. Michael Rosingip (SA) Meeqqanut Atuarfeqarnermullu Ataatsimiititami ilaasortatut Nivi Olsen (D) taarserpaa aammalu Meeqqanut Ilaqutariinnullu Ataatsimiititami ilaasortamut Inge Olsvig Brandtimut (IA) sinniisunngorluni.

Nivi Olsenip (D) sulinngiffeqarallarnini 1. marsi 2019-imi qaangiuttussaasoq e-mailikkut 18. januaari 2019-imi nalunaaruteqarnermigut 1. juuli 2019-ip tungaanut sivitsorniarlugu qinnuteqaatigaa.

### **Inassuteqaat**

Suliffeqarfimmi Kiffartuussiviup Kommunalbestyrelsimut inassuteqaatigaa:

- Nivi Olsenip (D) sulinngiffeqarallarnermi sivitsornissaanut qinnuteqaataa Kommunalbestyrelsimut akuersissutigineqassasoq
- Randi Vestergaard Evaldsenip (D) borgmesterip tullia siulliugallartut ingerlaannarnissaa, imaluunniit suleqatigiit (IA aamma D) borgmesterip tullia siulliugallartussatut allamik qinersissasut Kommunalbestyrelsip akuersissutigissagaa, aamma
- Michael Rosingip Kommunalbestyrelsimi Meeqqanut Atuarfeqarnermullu Ataatsimiititami Nivi Olsenimut sinniisutut aamma Meeqqanut Ilaqutariinnullu Ataatsimiititami Inge Olsvig Brandtimut sinniisutut ingerlaannassasoq tusaatissatut tiguneqassasoq.

### **Suliap saqqummiunneqarnera**

Nivi Olsenip 1. septembari 2018-imiit atuutilersumik sulinngiffeqarallarnissamut qinnuteqaataa Kommunalbestyrelsip 28. agusti 2018-imi ataatsimiinnermini akuersissutigivaa. Taarsiullugu Michael Rosing Suleqatigiissitsisunit Kommunalbestyrelsimut ivertinneqarpoq. Aammattaaq Nivi Olsen taarserlugu Randi Vestergaard Evaldsen (D) borgmesterip tulliatut siullertut ivertinneqarpoq. Michael Rosingip (SA) Meeqqanut Atuarfeqarnermullu Ataatsimiititami ilaasortatut Nivi Olsen (D) taarserpaa aammalu Meeqqanut Ilaqutariinnullu Ataatsimiititami ilaasortamut Inge Olsvig Brandtimut (IA) sinniisunngorluni.

Nivi Olsenip (D) sulinngiffeqarallarnini 1. marsi 2019-imi qaangiuttussaasoq e-mailikkut 18. januaari 2019-imi nalunaaruteqarnermigut 1. juuli 2019-ip tungaanut sivitsorniarlugu qinnuteqaatigaa.

### **Aaqqiissutissatut siunnersuut – suliatigut naliliineq**

Kommunalbestyrelsimi ilaasortatut sulineq inuiaqatigiinnik sullissineruvoq. Kommunalbestyrelse tassaavoq aqutsinermut inatsimmi § 15 naapertorlugu kommunalbestyrelsimut ilaasortap kommunalbestyrelsimut tunuarallarsinnaaneranut aalajangiisussaq. Sulinngiffeqarallarnissamut qinnuteqarnermut sinniisussallu ivertinneqarnissaanut piunasaqaatit naammassineqarnermut naliliinermi tunngavigineqartussaapput.

Sulinngikkallarnissamut unioqqutitsinngitsumik tunngavilersuutit aqutsinermut inatsimmi § 15, imm. 1-imiipput. Matumani pineqassapput: Napparsimaneq, naartuneq, ernineq, meeravissiartaaneq,

inuaqatigiinni sullissisussaataalluni pisussaaffiligaaneq, inuutissarsiutini assigisaalluunniit. Najuussinnaannginneq sivikinnerpaamik qaammatini marlunni sivisussuseqarnissaa naatsorsuutigineqassaaq.

Aqutsinermut inatsit naapertorlugu Kommunalbestyrelse iliuuseqassaaq aalajangersakkat tullinnguuttut malillugit:

Imm. 2. Kommunalbestyrelsimut ilaasortaq imm. 1-imi taagorneqartuni pissuteqarluni qaammatit marluk sinnerlugit suliasanik isumagisaqarnissamik pisinnaanngitsaq, kommunalbestyrelsimut ilaasortaq akissaateqarani sulinngiffeqarallarnissamik qinnuteqassaaq. Sulinngiffeqarallarnissamik qinnuteqaat borgmesterimut nassiunneqassaaq, qinnuteqaallu imaqassaaq pissutaasutut tunuliaqutaasooq pillugu paasissutissamik aamma taamatut pisinnaanginnermut pissutaasup qanoq sivitiginissaa naatsorsuutigineqarnersoq. Qinnuteqarnermut atatillugu uppersaatit pisariaqartut qinnuteqaammut ilaatinneqassapput imaluunniit borgmesterip taakkuninnga noqqaassuteqarneratigut nassiunneqassapput. Tamatuma kingorna sinniisussaaq kommunalbestyrelsip ataatsimiinnissaanut tulliuuttumut siullermut Borgmesterip ataatsimiigiaqussavaa.

Imm. 3. Kommunalbestyrelsip aalajangissavaa ilaasortap sulinngiffeqarallarnissannik qinnuteqaataani aamma sinniisussap isernissaanut piumasaqaataasut eqqortinneqarnersut.

Imm. 4. Ilaasortap kommunimi pisussaaffini suliareqqissinnaalerpagit sinniisussaaq kommunalbestyrelsimit tunuassaaq."

Tamatuma saniatigut Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersumi § 54, imm. 4 atuunnera: "Ilaasortaq qinersivimmi najugaqarunnaarallarpat kommunalbestyrelsip aalajangersinnaavaa pineqartup qinigaasinnaanini annaasimangikkaa, taamaalillunilu kommunalbestyrelsimit ilaasortaajunnaarallaannassalluni qinersivimmi aalajangersimasumik najugaqaqqilernissami tungaanut."

Kommunalbestyrelsimut ilaasortatut sulinerup saniatigut Nivi Olsenip makku ilaasortaaffigivai:

- Borgmesterip tullia siulleq
- Meeqqanut Atuarfeqarnermullu Ataatsimiititami siulittaasooq, Randi Vestergaard Evaldsen sinniisoralugu
- Meeqqanut Ilaqutariinnullu Ataatsimiititami Inge Olsvig Brandtimut sinniisooq

Aatsitassanut, Suliffeqarnermut Nunamullu Namminermut Naalakkersuisoqarfiup isumasiorneratigut ataatsimiititami ilaasortaasarnerit inuttalersorneri pillugit najoqqutassiat Qinikkanut Allatseqarfiup ersarissartippai, Aqutsinermut inatsit innersuussutigalugu.

Nivi Olsenip sulinngiffeqarallarnarata nalaani Michael Rosing Meeqqanut Atuarfeqarnermullu Ataatsimiititami ilaasortatut ivertinneqassaaq kiisalu Meeqqanut Ilaqutariinnullu Ataatsimiititami Inge Olsvig Brandtimut sinniisunngorluni.

Borgmesterip tullia siulleq aamma aappaa sivikinnerpaamik qaammatini sisamani sulinngiffeqarallartussanngorpata, borgmesterip tullia siullertut aamma aappaattut atuuttussanik Kommunalbestyrelse qinersissaaq, Aqutsinermut inatsimmi § 15, imm. 5 innersuussutigalugu: "Borgmesterip imaluunniit borgmesterip tulliaata sinniisussaaq imm. 2-mi maleruagassat naapertorlugit isertinneqarpat, pineqartullu pisinnaanngikkallarnera sivikinnerpaamik qaammatinik sisamanik sivitussuseqarpat § 6-imi maleruagassat malillugit kommunalbestyrelsip toqqassavaa borgmesteritut imaluunniit borgmesterip tulliatut isumagisassanik isumaginnittussaq."

Qanoq amerlassuseqarneq tunngavigalugu qinersinerup kingunerisaanik (Aqutsinermut inatsimmi § 36, imm. 4 innersuussutigalugu), borgmesterip tullia siulleq aappaalu Kommunalbestyrelsimi

suleqatigiinnit borgmesterip tullia siullermik aappaanillu qinersisuusunit qinerneqassapput, § 6, imm. 4 innersuussutigalugu.

”§ 36 Imm. 4 Qanoq amerlassuseqarneq tunngavigalugu qinersineq ingerlanneqassaaq d'Hondtip periaasia tunngavigalugu imaattunik malittarisqaarluni: Kommunalbestyrelsip ilaasortai immikkoortunut qinersinissami pineqartumi qanoq taaseqatigiikkumanertik pillugu siullittaasumut nalunaarsimanertik tunngavigalugu avinneqassapput. Suleqatigiit tamarmik amerlassusii 1-imik, 2-mik, 3-mik il.il. agguarneqassapput. Inernerit pissarsiarineqartut aalajangissavaat qanoq tulleriinneqarlutik sinniisorisassaminnik qinersisinnaanersut. Ilaasortassat kingullerpaat marluk amerlanerilluunniit naligiippata makitsinikkut ilaasortanngortinneqassapput. Suleqatigiit ataasiakkaat sinniisorisassaasa amerlassusissaat aalajangerneqarpat suleqatigiit piaartumik borgmesterimut nalunaarutigissavaat inuit kikkut inissani pisassaminni toqqarneqarnersut. Suleqatigiit arlaata ataatsimik arlalinnilluunniit inuttaliisinnaatitaanani atorumanngippagu inissat inuttalerneqanngitsut suleqatigiit allat akunneranni agguarneqassapput periaaseq siuliani taaneqartoq malillugu.”

#### *Aningaasaqarnikkut sulisoqarnikkullu naliliinerit*

Nivi Olsen niuernerimik peqquteqartumik Kommunalbestyrelsimit sulinngikkallarnera pimmat, piffissami sulinngikkallarfianni akissarsiaqarsinnaatitaanngilaq.

Nivi Olsenip sulinngiffeqarallarnermi nalaani angalaneranut unnuisarneranullu aningaasartuuteqarfiussanngilaq.

Nivi Olsenip Kommunalbestyrelsimut ivertinneqaqqinnissaata tungaanut Michael Rosing akissarsiaqarsinnaatitaavoq.

Michael Rosingip Kommunalbestyrelsimi sulinngikkallarnerup nalaani ataatsimiinnernut peqataasarnissaanut atatillugu Nuummi najugaqartuummat angalanermut unnuisarnermullu aningaasartuuteqarfiussanngilaq.

#### *Inatsisitigut tunngavigisat allagaatillu tunngaviliiviusut*

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq (Aqutsinermut inatsit)

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersoq

#### *Ingerlariaqqinnissaq*

Nivi Olsenip (D) sulinngiffeqarallarnissami sivitsornissaanut qinnuteqaataa Kommunalbestyrelsimit akuersissutigineqarpat, Michael Rosing (SA) piffissami pineqartumi Kommunalbestyrelsip ataatsimiittarnissaanut ataatsimiigiaqquneqartassaaq.

#### **Aningaasaqarnermut Allattoqarfimmit oqaaseqaatit**

Aningaasaqarnermut Allattoqarfimmit oqaaseqartitsisoqarsimanngilaq.

#### **Siusinnerusukkat aalajangerneq**

*Kommunalbestyrelsip 28. agusti 2018-imi aalajangernera:*

Malene Lyngep, Nivi Olsenip kiisalu Tillie Martinussenip sulinngikkallarnissamut qinnuteqaataat pillugit inassuteqaatit akuersissutigineqarput.

Borgmesterip tullia siullertut Randi Vestergaard Evaldsen (D) qinerneqassaaq, taavalu borgmesterip tullia aappaattut Uju Petersen (IA) qinerneqassalluni.

Charlotte Pike (IA) Malene Lynge sinnerlugu Sanarfinermut Avatangiisinullu Ataatsimiititamut ilaasortatut ivertinneqassaaq, taavalu Isumaginninnermut Suliffeqarnermullu Ataatsimiititami Inge Olsvig Brandtip sinniisaanut sinniisungussalluni.

Michael Rosing (SA) Nivi Olsen (D) sinnerlugu Meeqqanut Atuarfeqarnermullu Ataatsimiititamut ilaasortatut ivertinneqassaaq taavalu Meeqqanut Ilaqtariinnullu Ataatsimiititami Inge Olsvig Brandtimut sinniisungussalluni.

Charlotte Pike-p (IA) Malene Lynge (IA) sulingiffeqarallartussaq sinnerlugu sulingiffeqarallarnerata nalaani Kommunalbestyrelsimut ivertinneqarnera aamma Michael Rosing (SA) Nivi Olsen (D) sulingiffeqarallartussaq sinnerlugu sulingiffeqarallarnerata nalaani ivertinneqartussaq Kommunalbestyrelsip tusaatissatut tiguai.

### **Ilanngussat**

1. Nivi Olsenip sulingiffeqarallarnissamut allakkatigut qinnuteqaataa

## **Punkt 04G: Kulusummi sikunut illersuutigisassamik pilersitsinissamik siunnersuut**

### **Beslutning**

Kommunalbestyrelsip siunnersuut taperserpaa, suliarlu Sanarfinermut Avatangiisinullu Ataatsimiititamut suliareqqitassanngorlugu ingerlateqqinneqarpoq.

### **Bilag**

Bilag 1.docx

## **Kulusummi sikunut illersuutigisassamik pilersitsinissamik siunnersuut**

Kommunalbestyrelsimut ilaasortap Mala Høy Kukop (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - Kommunaldirektøri Lars Møller-Sørensen /LMS

### **Suliassamik eqikkaaneq**

Kommunalbestyrelsimut ilaasortaq Mala Høy Kuko (S) novembarip 5-anni 2018

Kommunalbestyrelsimut aalajangiiffigisassatut Kulusummi sikunut illersuutigisassamik pilersitsinissaq pillugu siunnersuuteqarpoq.

### **Inassuteqaat**

Suliffeqarfimmut Kiffartuussiviup Kommunaldirektøri inassuteqaatigaa:

- Mala Høy Kuko (S) siunnersuutaa Kommunaldirektøri oqaluuserineqassasoq taamatullu suliap ingerlaqqinnissaa aalajangiiffigineqassasoq

### **Suliassamik saqqummiussineq**

Kommunalbestyrelsimut ilaasortaq Mala Høy Kuko (S) novembarip 5-anni 2018

Kommunalbestyrelsimut aalajangiiffigisassatut Kulusummi sikunut illersuutigisassamik pilersitsinissaq pillugu siunnersuuteqarpoq.

Siunnersuuteqarnermut tunngavilersuut:

*“Soorlu naluneqanngitsutut ukiorpassuarnik aasaraangat tunup avannaarsuaniit sikorsuit sarfaq malillugu annguttarnerat takornartaanngitsoq. Sikorsuillu takkutsillugit assigiinngitsorpassuatigut immakkut angallanniarnikkut ajoraluartumik eqquinerluttarput. Tasiilallu nunaqarfigisaannik talittarfiit ilaanneeriarlutik tikinneqarsinnaanerit ajornakusoorluinnartutut pilersarluni sikorsuit ajornartorsiortitsineratigut. Ingasappallaaraangallu pajuttaatit nunaqarfimmut pajuttuugaluit uteqqiinnartariaqarnermik kinguneqartarput, aqqutillu aatsaat pitsaaneruleraangata pajunnertik nageqqittariaqartarsimavaat tamannalu arlaleriarluni pisarnikuuvoq.*

*Kulusuup illoqarfittaata umiarsuaaqqamik tikeriaa aamma sikunik ajornakusoorluinnartutut isikkoqartarpoq. Talittarfiup pulariaa kangerluuvoq. Pajuttaammi tulaffigisassaq tikinniarlugu sikunillu tulaffigisassaq tulaffigineqarsinnaanngikkaangat sikut akornutaasut peersinniarneqartarput, sikuillu peersinniarneqartarnerat kangerlummiinngaaniit anninniararnerat ajornakusoorinnaasaqaaq. Sikunit peersiniaasoqartillugu ajornartorsiutit ilagisarpaat kangerluup paavani arlalinnik qeqertaqarami, tassa sikut arlaliugaangata angillutillu tinissaanikuullutillu taava ilungersunarnera minnerulersanngilaq. Ingalluni aamma kangisimmik anorlernikuusimalluni sikut kangerlummut pulasarnerat pissutsinut ilungersunarnerannut sakkortusaataasarpoq.*

*Kulusuup illoqarfittaata talittarfiata tikeriaata paavaniittut qeqertat iluaqutugalugit sikunik ajornartorsiorneq millisarneqarsinnaavoq imatut siunnersuutigisavara: Tassa qeqertamiit nunamut kiisalu qeqertamiit qeqertamut sikunut pulanaveersaatiniq pilersuinikkut. Taakkua allunaasaasinnaapput silitutt aamma wejeriusinnaallutik, akornisigut puttaqutserneqarpata allunaasat imaluunniit wejerit kivatik sikut pulasussaagaluit pulanaveersaartittussaassavai. Siunnersuummut isumaqataalluni kommunaldirektøri aalajangiisinnaagaluarpat, taava tamasma kingunerissagaluarpa siornatigut siunnersuutiginiuusara umiatsianik tinitsitsivissaq kulusummi*

*inissisimasussaq sikunik aserornissaanik illersorneqarsinnaalluarnissaanik. Aserfallannissaannullu illersorneqarsinnaanera iluaquserneqassagaluarpoq sikunik isaanaveersaatinik pilersuinikkut.*

*Sikunik isaanaveersaatinik illersuutininik pilersitsinikkut immakkut umiarsuit pajuttut sukkanerusumik sullissisinnaanissaat piffissamillu atuinerata sukkanerusumik iluaquserneqarsinnaanissaannut ammaasseqataassagaluarpugut. Kiisalu turisteqarnerup tungaatigut angallassisartut periarfissaat annertunerusumik ammaassiffigineqassagaluarpoq, soorlu nalunnigikkipput kulusummi turistit aasakkut tikittartut angallatinut atuerusuttarnerat nalinginnaasuulluartoq. Innuttaasunullu tamanut angallataateqartunut iluaqutaalissagaluarpoq.*

*Siunissarlu ungasinnerusiq inuutissarsiutininik immatta aalisagaanik eqqarsaasersuutiginnittunut, soorlu tunumut inerisaanissamik siunertallit tusartuakkagut, suliffissanillu pilersitseqataasinnaalluartut kulusummut periarfissaat pitsaanerusumik isumannaaqataaffigineqassagaluarpoq.*

*Neriullunga kommunalbestyrelsip siunnersuut paasilluarlugu tunngavilersuutigisakkalu aallaavigalugit tapersersuiumaartut.”*

*Aaqqiissutissatut siunnersuut – suliaticigut naliliineq*

Qinikkat Allatseqarfiata innersuussutigaa, siunnersuut ataatsimiititamut susassaartumut ingerlateqqinneqassanersoq Kommunalbestyrelsimi aalajangerneqassasoq.

*Aningaasaqarnikkut sulisoqarnikkullu naliliinerit*

Aningaasaticigut sulisoqarnikkullu naliliinerit, suliap ataatsimiititamut susassaartumut ingerlateqqinnissaanut, Kommunalbestyrelsip aalajangiinerani suliament ilaatinneqassapput.

*Inatsisiticigut tunngavissaq allakkallu tunngaviusumik uppernarsaatitallit*

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutininik saqqummiussisinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangernissaanut inatsisiticigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik suliarinneqqusilluni allakkaticigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

*Ingerlariaqqinnissaq*

Kommunalbestyrelsip aalajangernera Borgmesterip Allatseqarfianit allaffissornikkut suliarineqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

**Innuttaasunik peqataatitsineq/attaveqaaqatigiinneq**

Soqanngilaq.

**Ingerlatsivinniit allaniit oqaaseqaatigineqartut**  
Ingerlatsivinnit allanit oqaaseqartitsisoqanngilaq.

**Ilannussat**  
Soqanngilaq

## **Punkt 5: Taasariaqartut allat**

### **Beslutning**

Mala Høy Kuko (S):

Ikkatsermi salinissaq pillugu Tasiilami Najukkami ataatsimiititaliaq tusarniaavigineqarpoq, tusarniaanerlu ullunik 14-inik sivilissuseqarpoq tusarniaanermilu atortut tuluttuinnaq allaqqallutik. Tamatuma saniatigut paasissutissat amigarput.

Rolf Pike (S):

Ittoqortoormiini meeqqerivimmi inissat amigaataapput.

## **Punkt 6: Suliat matoqqasut**

## **Punkt 06A: Lukket**

## **Punkt 7: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 17.12